

嘉慶鳳臺縣志

鳳臺縣志卷七

賜進士出身翰林院庶吉士鳳臺縣知縣兼鳳臺州州判
藝文志

志藝文以搜求載籍輯錄金石也鳳臺載籍淮南內
篇其最先矣自漢而後作者蓋寡呂氏諸記述頗見
著錄亦散佚無存者金石則八公山碑見水經注久
湮沒矣以余所輯則有唐佛頂尊勝陀羅尼經石幢
薛佐堯墓誌銘千佛寺殘碑宋天聖二年施錢人名
碑府判廳碑破石築城記元順濟龍王廟碑可稱者
也淮南王之金秦漢以來之軌可以考見文字亦志

古者所不廢也其他記誌之文附見各志其無類可入者卽載之此編旁及遊覽之篇亦刪取其文詞尤雅者入焉

漢淮南道訓二篇

淮南王安聘明易者九人號九師法漢書藝文志○劉向別錄七

畧作十一篇

佚○劉向曰九師道訓者淮南王劉安所造王聘善爲易者九人從之采獲故中書著爲淮南九師書○王通曰九師典而易道微何喬新曰九師之易王通以爲易道因之而微則無資于聖經可知朱彞尊經義考曰陸氏釋文于需蠱遯損諸

卦其所引稱師者當卽九師本而鴻烈解引易曰
剝之不可遂盡也故受之以復此則道訓之序卦

傳文矣

需

光師讀絕句

蠱

以振舊之慎反濟也師讀音真振振仁厚也

逝

說王肅如字解說也師損二簋應師如字同徐吐活反又始銳反損舊應對之應

淮南內二十一篇

王安

淮南外三十三篇

師古曰內篇論道外篇雜

說藝文志

漢書

內篇存 漢書淮南傳淮南王安招致賓客方術

之士數千人作爲內書二十一篇外書甚衆又有

中篇八卷言神仙黃白之術亦二十餘萬言時武

帝方好藝文以安屬爲諸父辯博善爲文辭甚尊

重之每爲報書及賜常召司馬相如等視草乃遣
初安入朝獻所作內篇新出上愛祕之使爲離騷
傳日以受詔食時上又獻頌德及長安都國頌每
宴見談說得失及方技賦頌昏暮然後罷 西京
雜記曰淮南王安著鴻烈二十一篇鴻大也烈明
也言大明禮教號爲淮南子一曰劉安子自云字
中皆挾風霜揚子雲以爲一出一入 莊達吉曰
漢書淮南王傳內書二十一一篇外書甚衆又有中
篇八卷言神仙黃白之術藝文志雜家有淮南二
十一篇淮南外三十三篇天文家有淮南雜子星

十九卷傳不及雜子星而志不著中篇後代傳萬
畢術多黃白變幻之事殆卽中篇之遺歟

淮南雜子星十九卷

漢書藝
文志

佚

淮南王賦八十二篇淮南羣臣賦四十四篇淮南王

歌詩四篇

漢書藝
文志

佚 古文苑淮南王屏風賦曰維茲屏風出自幽

谷根深枝茂號爲喬木孤生陋弱畏金強族移根
易土委伏溝瀆飄颻殆危靡安措足思在蓬蒿林
有樸檉然常無緣悲愁酸毒天啓我心遭遇微祿

中郎繕理收拾捐朴大匠攻之刻彫削斲表雖裂
剝心質貞慤等化器類庇蔭尊屋列柱左右近君
頭足賴蒙成濟其恩宏篤何恩施遇分好沾渥不
逢仁人永爲枯木此淮南王賦之存者 楚辭王
逸章句曰招隱士者淮南小山之所作也昔淮南
王安博愛好古招懷天下俊偉之士自八公之徒
咸慕其德而歸其仁各竭才智著作篇章分造辭
賦以類相從故或稱小山或稱大山其義猶詩有
小雅大雅也小山之徒閔傷屈原又怪其文昇天
乘雲役使百神似若仙者雖身沉沒名德顯聞與

隱處山澤無異故作招隱士之賦以章其志也桂
樹叢生兮山之幽偃蹇連卷兮枝相繚山氣隴嵒
兮石嵯峨谿谷嶄巖兮水層波援狻羣嘯兮虎豹
皐攀援桂枝兮聊淹留王孫遊兮不歸春草生兮
萋萋茂暮兮不自聊蟪蛄鳴兮啾啾塊兮軋山曲
拂心淹留兮惘荒忽罔兮沕僚兮慄虎豹岵叢薄
深林兮人上慄嶽嶽碣礧兮礧礧碣礧樹輪相糺
兮林木芟翫青莎雜樹兮蘋草蘼靡白鹿麕麇兮
或騰或倚狀貌崟崟兮峩峩妻妻兮澁澁獼猴兮
熊羆慕類兮以悲攀援桂枝兮聊淹留虎豹鬪兮

熊罷咆禽獸駭兮亡其曹王孫兮歸來山中兮不
可以久留此淮南羣臣賦之存者 古樂府八公

揆淮南好山八公來下王作此歌煌煌上天照下
土兮知我好道公來下兮將與予生毛羽兮超騰
青雲踏梁甫兮觀見瑤光過北斗兮馳乘風雲使
玉女兮含精吐氣嚼芝草兮悠悠將將天相保兮

此淮南王歌詩之存者

古今樂錄正月上辛八公來見王作八公操遂與相

携俱出莫知所往小山之徒思之作淮南王曲焉
八公操當卽此篇淮南王曲未知卽古詩淮南王

否篇

淮南王集一卷

隨書經籍志注云梁二卷

藝文志亦二卷 新唐書

佚

淮南養蠶經一卷

佚

淮南太陽真粹論一卷

佚

淮南萬畢經淮南變化術各一卷淮南中經四卷

隨經

籍志龍經下注梁有云云皆亡新唐書藝文志有淮南萬畢術一卷

佚 太平御覽引淮南萬畢術曰取門冬赤黍漬

以狐血陰乾欲飲酒取一丸置舌下酒吞之令人

不醉門冬赤黍慧苡爲丸令婦人不妬 取家墓

黍啗兒不思母 搵能累卵取戎搵塗卵取他卵

賈其上卽累也 取虬脂爲燈置火中卽見諸物

七月七日午時取生瓜葉七枚置中北堂中向

南立以拭面曆卽當滅矣 七月七日採守宮陰

乾之合以井華水和塗女身有文章卽以丹塗之

不去者不淫去者有姦 竈神晦日歸天白人罪

馬蹄破翼 燒角入山虎豹自遠 慈石提棋

取雞磨針鐵以相和慈石碁頭置局上自投也

白芳七結浴蠶 南山牡丹荆指病自愈節不相

當有月暈時尅之 藥令面悅取藥葉三寸土瓜

三枚大棗七枚膏和塗面不得四五日悅矣先以
湯洗面後以傅藥 沙虱一名蓬活一名地脾
竹虫飲人自言其誠以虫三移竹黃十移治之欲
得人情取藥如大豆燒酒中飲之不令配以問其
事必得其實也 苓皮蠟脂魚鼈自聚註曰取苓
皮漬水斗半燒石如炭狀以碎蠟脂置苓皮水中
七日以置沼則魚鼈自聚矣 蝟膏塗鐵柔不折
犀角置狐穴中狐不歸 歸終知來猩猩知往
歸終猩猩皆神獸 取馬尾犬尾置之朋友夫婦
衣中自相憎矣 阿羊九頭而更食國亂乃出

艾火令雞子飛取雞子去其汁燃艾火內空卵
中疾風因舉之飛 鴉鵂致鳥鴉休折其大羽絳
其兩足以爲媒張羅其鳥聚矣 鵲腦令人相思
取鵲一雄一雌頭中腦燒之于道中以與人酒中
飲則相思也 伯勞使蛇螻蟬乃天使然也 蝦
蟆瓜平時爲鴉註云取瓜去辦置生蝦蟆腹中祭
鴉以血塗瓜堅塞之捏東垣北角深三尺其平日
發出之以爲鴉 天雄鶴胎日行千里取鶴鳥胎
于月中暴亘膺天雄一月用三十天雄而并治爲
丸大如梧子欲行吞一丸同騰蛇膽和大天雄乃

膳獨卽行千里 餽瓦止梟鳴取破餽瓦向抵之
輒自止物相勝其性耶 老血爲萍聚血之精至
黃泉也 酒薄復厚漬以菀蒲斷蒲漬酒中有山
之卽酒厚也 以牡菊灰散池中蛙盡死 迴風
之草見八方取迴風草三寸三枝五寸五枝以城
西而土三家不及井口青兒南雞欲上棲不上者
并治合爲丸磨其面目出戶視爲八方矣 莽草
浮魚取莽草葉并陳粟米合擣之內水魚皆死
岑皮致水 取會青十觔燒之以水灌其地雲起
如山雲矣會青爲藥令人不老 磁石拒碁取雞

血作針針磨鉄擣之以和磁石日塗碁頭爆乾之
置局上卽相拒不休 夜燒碓黃水蟲成對來木
蟲聞燒雄黃晁氣皆趨火

淮南八公相鳴經二卷

隨經籍志相
馬經下注

佚

宋呂夷簡新修國史

無卷
數

佚 宏簡錄天聖五年二月癸酉命呂夷簡夏竦

修先朝國史八年六月癸巳呂夷簡上新修國

史

呂夷簡三朝寶訓

無卷
數

佚 宏簡錄明道元年二月癸卯呂夷簡上三朝
寶訓先是王曾求祖宗遺事不入正史者別爲
一書如貞觀政要至是始成

呂夷簡景祐寶錄二十一卷

宋史藝文志

佚 宏簡錄景祐四年夏四月乙巳呂夷簡上景

祐法寶新錄

呂申公試卷一卷

宋史藝文志

佚

呂希哲呂氏家塾廣記

無卷數
宋史藝文志

宋

佚

呂公著集六十卷

國史經籍志

佚

許希神應針經要訣

無卷數 宋史方技傳

佚

明方震孺在沙腐語

無卷數 閩士課

無卷數 治蠱奇書

無卷數

未見 按三書蓋先生爲沙縣令時所著舊有刻

本惜搜訪未獲

方震孺西臺奏疏一卷 賚恤奏疏一卷 按遼奏疏二

卷附遼事實錄一卷

存 鄒元標遼事顛末叙曰余暮年小草百事類
情獨愛惜人才一念老而不敢倦及見方孩未侍
御而深爲宗社加類余里居時聞侍御爲閩令卻
牛稅數千金所活牛至億萬頭而賊亦不入境竊
以爲慈憫君子耳迺侍御固磊落奇男子確然以
世道爲已任者也遼事與遼陽報至京官家眷西
擁於路侍御一日十疏每五鼓卽搥公卿門畫策
痛哭亡何自請犒師矣余急過侍御問曰以子差
次當得江浙而去安就危能成功乎侍御曰今經
撫雖無閒隙而窺其神實相左顧安能成功余苦

口曰然則子必往者何曰以今人意盡欲西吾欲東向以鎮定之耳余歎服以爲不可及侍御既入遼則日陳兵河上與對壘居不廬食不火尪羸無人狀而亦卒不敢渡余曾移書問侍御遼事若何侍御作手書長數千言而結之曰能依孺以羅一貫爲大將用精兵三萬守鎮武可保廣寧十年無事不則必亡今侍御手書現在也會主者僅與兵五千人而又自任能手舉朝壯之侍御窘甚又移書與余曰鎮武不守廣寧無幸矣先生三朝元老乞爲一爭震孺一腔癡血灑而無益今侍御

手書亦在也侍御旣以瓜及歸前屯矣而猶有求
多者則未親歷其入遼顛末實見其策遼之布算
耳亦可悲矣侍御旣歸且久余移書問柄國者曰
有才如方子而欲使之廢棄以老乎答云方侍御
赤心報國知之甚悉然老人力弱難與少年爭蓋
實情實景也如是則侍御隱矣千秋萬歲復有知
之者余故舉其入遼緣起及策遼諸疏爲詮次而
簡刻之以親歷其入遼之顛末及策遼之布算無
如余之真而確也噫余老矣使知而不言言而或
阿其所好不但人非當有鬼譴夫亦愛惜人才一

念老而不敢倦以是報三祖十宗以是報今上天
地蓋載而已天啟二年壬戌冬日宏仁主人鄒元
標題 按西臺奏疏缺前半卷凡十四頁後得寫
本論三案是非二疏增入之尙未全也

方震孺自叙年譜一卷禍由錄一卷報恩錄一卷幾
灰草一卷偶然剩稿一卷雜文一卷

存 自叙曰讀書成進士官侍御史此通顯捷徑
也稍稍爲鈍處後餘地自完需次卿貳節鉞直筐
笈中物耳計不出此直行胸臆錚錚皎皎以自取
缺敗首領不保爲庸夫村兒所笑居士真愚人也

哉反是卽不爲愚於身家甚得於村中人眼孔甚
得而居士之心又若跼天踳地無以自容者視羊
脂橫玉弗若長板套頭尙書衙丞相署弗若榷床
一席長安六尺輿弗若桁場三木珠襦玉匣弗若
熱血市場者此所謂愚於性而不移者其愚也可
悲其愚於性也可敬是則爲孩未方先生故先生
年譜非先生自筆不可必先生自筆而後可悲與
可敬者委曲肖像如寫生然要亦不過自存其本
色耳若夫睹遺編而下淚驚宿草而停車知後世
不乏其人然居士意中已久斷此想使居士而有

此想豈其愚猶可瘳也耶其何以爲居士天啟六年丙寅九月旣望念士方震孺漫題 禍由錄自

序曰余一意歸淨土舍此穢軀不啻棄糞壤有何
思仇但兒輩癡幼了不知得禍之由仲弟雖能言
其概而來歷未詳余是以粗記其畧非望爾輩報
復亦以見五濁惡世毒愴如此古佛之求離三界
也豈無謂哉 報恩錄自序曰怨可忘而恩不可
忘此吾師大雄氏之教也况道人異常坎壈當厄
之與其恩更大而敢旦夕忘之哉故於垂死中錄
其姓名節畧以示子孫倘巢覆而卵不盡碎幸竭

此七尺代道人爲蛇爲雀庶不愧念道人之裔也
丙寅七月題 偶然剩稿自序曰念道人七歲能
詩然懶甚又意有所在不欲與騷人吟客爭字句
之長以故詩不甚工二十歲以前多如牛腰然多
流連光景語不足存筮仕以後間一爲之要亦隨
手散去不復留稿或閩山劔水之涯時有殘芬碎
馥點綴而已被禍以來時禁甚嚴又有文字之禁
偶爾感賦當付祖龍以祝融爲賞音之人亦足悲
矣其焚而不盡及雖不焚而於時無悖者聊存億
萬之一二名曰偶然剩稿其輕淺率真類元白其

深情苦語類李孟然不求工而存其本色則亦自成其爲念道人而已天啓六年丙寅初秋念道人震孺題 幾灰草邱石常序曰吾師孩未先生旣被拘繫日夕坐一土坑上神氣寂然人施與蔬食則蔬食餅餌則餅餌不則飲水度饑渴雖雷電風雨瞬息百至而先生陶陶自如蓋三年如一日也風晨月夕禪梵之暇亦不廢吟詠隨得隨寫隨寫隨讀朗吟數十遍急覓火焚之 年以來靈秘光怪爲祝融所收去者不知其幾矣一二弟子間從灰燼之餘攫得之千百之一久而遂成帙一日持

以示先生先生驚曰我在此如燈上蠅蠓火焰日
迫鼓翼成音而子乃取蠅蠓之音以較量工拙何
其多事耶二三子曰漢法甚峻而子長得從蠶室
中著史世廟時嚴相炙手可熱而椒山先生年譜
成于匝床圍屏無文字之禁今古皆然矣顧當時
不載從筆硯者何人殊爲缺陷今小子輩得附先
生以補先生之缺誠厚幸已哉先生雖不沾沾於
詩而靈心遠韻自非詩人筆墨所能到王李降而
鍾袁尊格格不相下幾如維州之爭而新法之議
先生調而劑之近不失格而遠不失情國朝自高

季廸以後不可無先生一編願海內談高華談隱秀者洗眼而觀之也東海門人邱石常序

方震孺閩中筆記五卷

存 陳子壯序曰陶公雖用法恒得法外意此謝安石稱士行語也用法不解意與庸醫低奕者同微耳然當晉之時高者談老莊卑者溺禡蒲羣皆蔑法不事若所謂意之者僅乃同婦稚之嬉戲猶賴此二公一則力法以展意一則匠意而合法斯中外迄績而名流江左也語曰談遠者聽視近者明中丞方公當吾粵藩臬之衝與余促鄰而進宗

國之計其節務不可勝舉也去歲連州之變至犇
逸而不可止也公自挺身入不旋踵而定無何高
州之變又幾糜爛不可止也公自挺身入不旋踵
而定斯二者在古昔則爲奇談而公履之若平地
天下卽多變公身可入則變無弗可定人皆擬公
才公望而吾有以見公之意者豈非斥近而明哉
然公且懋方叔召虎之勲而吾舉江左以發端其
無乃非倫實以法外之意惟公有獨得焉因以告
美周舍弟之編次粵績者二子曰敢問法外何意
曰非所語子也將及子則意之崇禎甲申年重陽

雲崧山弟陳子壯拜手題 李兆洛編輯孩未方

先生遺書序曰有明孩未方先生西臺奏疏一卷

文十五首一首缺賚恤奏疏一卷文十一首按遼

奏疏二卷文十八首自叙年譜一卷禍由錄一卷

報恩錄一卷幾灰草一卷偶然剩稿一卷雜文一

卷筆記五卷都一十五卷或舊有刊本而散佚者

亦有未經刊刻者力爲搜錄始輯成一書雖尙有

散失然大畧備矣先生當權奸內訌疆宇日蹙舉

朝恒擾之時忠義勃發以一書生出入戎馬間指

陳幾宜曲得要領奇偉非常之氣一時未有逾之

者也而厥寺盜權罹于羅織乃幾爲楊左諸君子之續嗚呼明之亡也其小大臣工精神皆渙散而不相攝各圖其私以苟且暮或更倖人之敗以自售其言於國家利病固弗恤也若王化貞之憇聞熊廷弼之傲促張鶴鳴之庸下舉朝知之而莫能倡一議出一策以消隱禍於未然雖以先生之苦口熱腸調護之呼籲之而彼昏不知無救於敗悲夫心者身之主也四肢百骸者心之衛也心惘惘而不靈饑飽之不知寒熱之不辯榮衛否隔陰陽舛憤甚者賊風沴氣直襲藏府小亦手足掣曳拘

攀乖反猶復毒視藥石仇視和緩及其一蹶委之
大命可勝悼哉可勝悼哉按粵筆記於一文牒一
決罰具有裁量知先生學問邃密心和而氣平固
非慷慨任事以敢果自爲者也其處置吉藩事及
籌理軍餉皆一方安危所係且可爲後世法而明
史於先生傳及諸王傳皆不具載亦賴此以存其
缺焉嘉慶十有八年十月武進李兆洛謹序

國朝陳赤周易解

無卷數
南通志藝文

未見

劉鳳續吳中先賢贊十五卷釋教編六卷

江南通志藝文

未見

鄧旭林屋詩集九卷

存 錢陸燦序曰林屋者故太史壽州鄧公旭字元昭之號也公先世家洞庭山林屋洞卽洞庭也明初徙戶寶鳳陽道常公者以長子當行兩弟居守道常居臨淮卒返葬於吳其四世孫景陽又自臨淮徙壽州景陽生贈公汝謙課公於家塾卽時時東悲洞庭矣崇禎之季壽州四戰之衝公以贈公命卽次於舊京旣第進士因入籍焉公自爲諸生時有霸王之畧及官翰林譚枋用致太平皆屈

指屬公有恭聞公者罷其翰林公奉身而退幾三
十年而沒公既不用往往扼腕天下事不得寄之
遠遊五嶽遊其四其西壽州其東洞庭或一歲至
或間歲至艤棹月明灣陳酒道常公墓上俯仰七
世隔絕千里松楸無恙流涕沾巾家人無老少流
連燕饗蓋浹旬月而後行於是綺里有歸棹之詩
東園有高隱之詩林屋所以志也詩前後集有岱
遊詩遊嵩詩秦中紀遊詩吳越遊詩楚遊詩浮黃
集詩若干卷謂余芟存之都曰林屋集公平生好
李長吉故古體尤多奇語近體則古淡似王孟而

香艷間入於温李後世知詩者推表的焉康熙二十三年六月錢陸燦撰

劉允謙嶺南吟二卷

未存

謝開寵慎墨堂詩集二卷

未存

右載籍

淮南王印子金



李石續博物志印子金世傳淮南王安藥金上有

印子篆文劉主字壽州八公山土中耕者往往得之小餅重半兩有一印大餅至七兩有二十許印沈括夢溪筆談壽州八公山側土中及溪澗之間往往得小金餅上有篆文劉主字世傳淮南王藥金也得之者至多天下謂之印子金是也然止於一印重者不過半兩而已鮮有大者予嘗於壽州漁人處得一餅言得于淮水中凡重七兩餘面有二十餘印背有五指及掌痕紋理分明傳者以謂泥之所化手痕正如握泥之迹襄隨之間故舂陵白水地發土多得金麟趾空中四旁皆有文刻

極工巧趙飛燕外傳帝窺趙昭儀浴多哀金餅以賜侍兒私婢殆此類也 按此金今見者絕少予購之數年僅得一枚故摹其文於誌以貽來者印方二分許厚可三錢四旁皆有鑿鑿痕重十銖又蓋卯之省令蓋金之省右從邑劉本地名從刀者當是後來附會而成訛主字上從口似口字方幅窄狹、字不能分明耳自右至左讀之當云主劉續博物志夢溪筆談均以爲劉主古刻印文縱橫可通也然劉主主劉皆無意義

信平君墓輒

原... 卷一
癸亥信平君之墓

文曰癸亥信平君之墓
長尺一寸博四寸厚寸有十分寸之

七

此廉將軍墓輓也史記正義曰廉頗墓在壽州壽
春縣北四里太平寰宇記引古今冢墓記云廉頗
葬於肥陵牛麓原肥陵卽今北山矣趙以尉文封
將軍爲信平君後雖爲楚將未有封爵故其葬也
仍趙之封予來鳳臺卽求將軍之墓而土人所指
無定處數年始約畧其地樹碑而表之豈將軍之
墓竟已不保乎此博何爲見于世按癸亥歲秦始
皇八年趙悼襄王七年楚考烈王二十五年也將

軍以悼襄王元年丙辰奔大梁居梁久之楚陰使人迎焉一爲楚將無功而卒于壽春楚以庚申歲徙都壽春是歲楚爲約從長率五國兵伐秦至函谷敗還一爲楚將無功或卽此時考烈王以二十五年薨李園殺春申君國大亂將軍之卒當在王薨前葬故無闕或曰古不以干支紀歲癸亥葬之日也古文言从𠄎𠄎蓋𠄎之省癸字上甄質小損似尙有二字文特瑩潤精潔惜墓字漫滅不全蒼籀遺法自石鼓而外復得見此真三代之遺也

漢建元磚

建元二年

如曰建元二年孫缺半截長厚一寸三分

建元乙巳

李氏

文在兩端橫列一端曰建元乙巳似隸書一端曰李氏篆書長

博厚一寸三分

建元紀號凡五漢武帝後漢主劉聰晉康帝秦主符堅蕭齊高帝也後漢及秦地皆不至壽春晉康齊高皆無乙巳此磚字畫甚古其爲漢甌無疑乙巳建元之五年也孫李蓋當時造甌者

元光甌

元光

文曰元光甌破碎長博不可計厚寸有半寸

漢武建元七年改元元光甌殘缺特甚僅餘一角

文亦平漫畧可辨識稍剜剔之始任摩搨然非其真矣

元朔駢

元朔元朔卓卓氏文曰元朔元年卓氏在駢端一側

側無文長八寸半博四寸半厚一寸半

紀元始漢武首建元改元光再改元朔而今駢字皆有之抑奇矣文隱起處細如絲縷而瑩潤精潔與信平君墓駢相似非他駢所及也小篆自說文以前見金石者惟秦權及泰山殘碑耳瓦當諸文多係繆篆非正格此則結構筆勢與說文一一脗

合漢初文字藉此可得梗槩豈非考古之助 淮
南王安以建元二年入朝歸而有異志元光元朔
間正其折節下士養賓客數千人之時也一時泥
塗瓦礫俱蒙榮造被之文字可以想見風采矣

始元瓦

元六年

文曰始元六年在瓦端橫列瓦質下廣
上端博寸上端博長

厚一寸

第一字殘缺偏旁女字可辨蓋漢昭始元六年也

章武博

章武二年 帛 昭 化

正陽鎮有劉備關羽張飛三城俗以爲先主依袁術時居此所築考諸史則先主未嘗至壽陽蓋傳訛耳至其卽位于蜀此地屬曹魏不當用漢紀年此塼紀章武殊不可解或從異地流轉至此耶

晉泰始甌

甌

十季

一側文曰泰始十年一端文曰陳黑其一端一側爲闌干文圖

文長九寸二分博四寸二分厚寸五分

泰始晉武帝年十年當吳鳳皇二年時陳騫鎮壽春陳黑或是督將名 篆書寬博渾厚漢魏諸碑碣中所未嘗有也而乃施之瓦甌間古之工書而

名不傳者多矣

爾紹十季

隙黑

此魏文小異

爾紹十季

此魏無陳黑字兩端皆爲四文

晉咸寧驪

咸寧五年八月壽春歇民丁川埭

文曰咸寧五年八月壽春縣民

丁川埭文在埭端驪中斷長不可記埭四寸長半之

武帝泰始十一年改元咸寧五年吳天紀三年也

咸寧三年陳騫入朝四年王渾鎮壽春咸寧五年

帝央意伐吳會安東將軍王渾表孫皓欲北上邊

戍皆戒嚴其明年晉滅吳矣蓋皆當時築城置戍

所用

太康輓

太康十羊嘉春舍人

言

文曰太康七年壽春

一端爲圖文背繪三泉形繞泉爲四出

文長九寸博

厚一寸有十分寸之三

孫氏云此博得之正陽四望亭側舍人本秦置東
宮官名魏又置中書舍人至司馬昭爲相國府中
置主簿舍人晉武成寧初制諸將軍及光祿大夫
開府者皆爲位從公加兵者增置舍人四人則此
舍人蓋開府壽春者之舍人也其稱壽春舍人猶
淮南文學廣陵度支矣太康元年王渾遷征東大

將軍鎮壽陽二年揚州刺史周祗移鎮秣陵以後
不詳何時還鎮壽陽晉書周浚傳武帝時以平吳
功封成武侯移鎮秣陵後代王渾爲使持節都督
揚州諸軍事安豐將軍則太康七年周浚鎮壽春
也

元康甄

元康四年

文曰元康四年一側爲曲薄文下半斷
缺長不可計博四寸半厚一寸三分寸

之一

漢武晉惠皆以元康紀元又皆有四年此甄質極
審緻所見凡三枚一則予寓報恩寺西舍舍後修

井于井中得之者皆止上半截水經注云肥水經元康城西北流又云肥水北注舊瀆之橫塘爲元康南路馳道按其地當在今八公山下肥水北曲處遺址久廢城當是元康年築故以元康名其城并其城外之馳道耳晉平吳之後徙吳大將戰亡之家于壽春太康十年以濮陽王允爲淮南王假節之國允沉毅有威望元康中正其在國時城或卽是時所築又晉書五行志元康四年四月淮南壽春洪水出山崩地陷壞城府或是時因城府陷壞特興板築也余所見諸甃元康獨多蓋皆晉物

矣

元康年八月一日勅画

文曰元康年八月一日陳匡其一側中爲圓文旁爲

闕干文兩端皆爲圓文長八博四寸半厚一寸八分

此甌不紀年數予禱雨黑龍潭龍神廟之右爲資壽寺壁間多甃此博問寺僧何由得之僧云寺之前百武相傳爲老龍王廟圯爲土阜十餘年前老僧發此阜得甌因以甃壁予爲甃新壁而易之凡得百餘枚皆斷碎此其僅完者乃得之旁民舍竈

觚上

元康五年八月廿日張

文曰元康五年八月廿日張其一側兩端爲半圓文

中錯丁字文其一端爲圓文
長八寸半博四寸厚一寸半

元康五年八月廿日張穆作

文曰元康五年八月廿日張穆作一側爲

半月文間以乳文長九寸博四寸厚一寸半

右甌紀元康者凡四種皆當是元康城博也

永嘉甌

陳奉車以晉永嘉二年永嘉祿泰歲在

文曰陳奉車以晉永嘉

二年不祿泰歲在甌下斷一側爲重疊方勝紋亦不全長不可計博五寸厚一寸半

漢書百官公卿表奉車都尉掌御乘輿車秩二千

石魏晉以來仍之懷帝永嘉二年太歲在著雍執

徐漢冲帝亦改元永嘉而無二年甌文自端繞側

書之端文止永字側文在字下斷缺其文以正書法而反書于范故字正而筆勢仍反遂覺離披難辨

永和甄

永和八年造

文曰永和八年造在甄端一側爲方勝紋間以交紋三長八寸五分博

三寸二分厚一寸三分

晉穆帝永和八年殷浩上疏請北出許洛詔許之以安西將軍謝尚北中郎將荀羨爲督統進屯壽春三月姚襄帥眾歸晉單騎渡淮見謝尚于壽春六月謝尚姚襄共攻張遇于許昌秦主健遣東海

王雄平昌王菁帥步騎二萬救之戰于潁水之誠
橋尚等大敗奔還淮南殷浩聞尚敗退屯壽春時
壽春葢岌岌多事矣

太元甄

大元七年八月一日壽春舍人謝

文曰太元七年八月一日壽春

舍人謝不疋辦其一側與背面文俱與太康謝毅博同長博亦畧相等

右甄孫氏得之甚夥文皆漫漶參互數博乃可讀
太元東晉孝武紀年時平虜將軍徐元喜鎮壽春
通典江左以來諸公皆置主簿舍人二人諸將軍
開府者皆位從公故亦得置舍人也太康時有壽

春舍人謝毅此舍人亦謝姓開府辟士皆取當州之賢謝固壽春之望耶惜其子孫頗微譜牒莫之考也其明年符堅陷壽春謝安石遂有肥水之捷

中軍督甄

口康元年八月。日中軍督謝象作埴

文曰口康元年八月

口日中軍督謝象作埴長九寸博半之厚十之一

兩晉以康紀元者元康太康而外成帝有成康此埴康上一字缺不知何當也通典晉制驃騎衛將軍伏波撫軍都護鎮軍中領四鎮龍驤典軍上軍輔國等大將軍開府者皆爲位從公加兵者增置

主簿記室督各一人蓋亦開府掾屬也此與兩舍人皆謝氏謝亦多賢矣

宋元嘉駢

元嘉廿六年歲次己丑尹氏

一端文曰元嘉廿六年一端文曰歲次己丑

丑尹氏皆爲菊花圓紋三而以小書間于花之際一側爲雷文極細悉長尺而強博五寸而弱厚一寸有半

宋文帝元嘉二十六年帝銳意經營中原時豫州刺史南平王鑠鎮壽陽聞魏主將入寇帝勅淮泗諸郡若魏寇小至則各堅守大至則拔民歸壽陽明年魏永昌王仁敗劉康祖于尉武遂圍壽陽鑠

嬰城固守未幾而解甄繪畫致華藻當是民間以
飾第宅者

大明甄

大甍六平大甍

此磚文不全大明劉宋孝武紀年也六年太歲在
元默攝提格

甍二平

文與大明六年磚相似當亦大明甄

北魏正光甄

正光二年田寧陵墓

文曰正光二年田寧陵墓文
在側橫列下侈而上窄一端

博 一端博 長一尺一
寸四分上顧繪菊花紋一

北魏孝明正光二年梁武帝普通六年也時魏揚
州刺史長孫稚鎮壽陽是歲梁豫州刺史裴邃欲
襲壽陽陰結壽陽民李瓜花等爲內應稚覺之而
敗

隨開皇甄

開皇六年甄文曰開皇元年造作左行范反也
甄殘缺長博不可計厚寸二分

隨開皇元年陳大建十三年也大建十一年周韋
寬拔壽陽江北之地盡入于周隨書賀若弼傳弼
仕周爲壽州刺史又長孫平傳尉遲迥王謙司馬

汧難稱兵內侮高祖深以淮南爲意時賀若弼鎮
壽陽恐其懷二心遣平馳驛往代之弼果不從平
麾壯士執弼送于京師又元孝矩傳高祖受禪拜
壽州總管賜璽書時陳將任蠻奴等屢寇江北復
以孝矩領行軍總管屯兵江上事皆當在開皇元
年

唐咸亨驪

咸亨四年

文曰咸亨四年驪存其
半文在端旁多剝裂

咸亨唐高宗年

長壽驪

長壽二季四^⑦廿^⑧處士皇甫口墓

文曰長壽三年四月廿日

處士皇甫口墓一端爲花葉
文長尺博三寸半厚一寸半

長壽唐則天后年年月日皆從則天新造字處士
惜軼其名不則可與讀書樓孝感泉竝不朽矣

朱君甌

口右尉米君口

應劭漢官曰大縣丞及左右尉所謂命卿三人小
縣一丞一尉命卿二人又曰雒陽孝廉左尉四百
石孝廉右尉四百石續漢志尉主盜賊通典曰漢
制諸縣尉皆銅印黃綬朝服武冠江左止單衣介

廣輿記云
三
憤而已壽春大縣故有左右尉漢時丞尉多以本
郡人爲之此朱君蓋亦其鄉邦之賢後漢令長相
史碑碣多稱君西漢無此比魏以後亦尠則此當
亦漢甄也

關內甄

部曲將見內有吳天

宋書百官志漢東京大將軍驃騎將軍等領兵外
討則營有五部部有校尉一人軍司馬一人部六
有曲曲有軍侯一人其餘將軍制以征討者亦有
部曲司馬軍侯以領兵焉自魏以後不聞有此在

唐則爲虞侯子將捉生之屬秦二十爵十九爲關
內侯晉則以關內侯爲虛秩列第六品朱曰關中
侯以後則爲開國五等勛封矣漢時關內侯卽不
復爲部曲將此當在魏晉間

司馬甄

百三十三

司馬亦軍府掾屬也宋書百官志司馬本秦官晉
趙王倫爲相國置左右長史司馬從事中郎江左
以來諸公領兵者置司馬一人加崇者置左右長
史司馬從事中郎四人長史從事中郎主吏司馬

主將公府司馬秩千石

任是壁甌

玉是山壘

字體在篆隸間濶達秀勁壁謂壁壘宋史謂北山有淮南王舊壘亦其類也金石錄有漢陽朔四年尉府壺壁甌謂其字畫奇古隸續云西漢字見于爨器者皆篆文此甌畧有隸意審爾則是甌亦當爲漢物矣第一字當是姓惜缺其半

陽俞甌

三石 阻 陽 合 巳

弟一字不可識蓋地名俞其姓也篆體方正亦魏
晉人之作

鍾離甄

鍾離甄

鳳陽古鍾離國也自漢迄元皆爲鍾離縣又以國
爲氏故漢有鍾離昧鍾離意宋有鍾離權然鍾離
氏非此間著姓此鍾離冢有氏而無名或族葬歟
隸書雄厚兩漢之跡也

有氏甄

有氏

晉以後作甄者如陳黑張穆之類皆著名此與建元之孫李同但著其氏隸極朴雅蓋亦漢時甄

儀元甄

儀元

儀元義不可解而隸文古橫非漢以後人所能仿

佛

閻字甄

△合

甄一側仿佛有字一側爲半圓文一端
有閻字長八寸博三寸半厚一寸餘

甄端一閻字門字半殘側文甚模糊惟一日二字
畧可辨王小鶴釋以爲太康九年

蔡平甄

曰蔡平法

文與元康諸甄相似或亦元康甄之殘也

費倉甄

昔倉

費上當更有字蓋倉廩之名或民間義倉以姓別之耶抑人姓名耶不可識矣

魯朝甄

魯朝

此甄蘇童子元凱所得凡二枚童子孤窮秀惠願

能詩居濱淮地名大河灣淮之西涯卽古趙步也
魯朝當是作甄人姓名 費倉甄文近篆魯朝甄
文近隸俱古茂似魏晉人作

戊午甄

在戊午。

文曰在戊午口口作

在上缺歲字戊午下蓋作甄人姓名漫滅不可辨
遂不能與陳匡張穆並傳

縣多故城址及積墓土人時時掘舊甄賈之予偶
得泰始甄琢爲硯以詫邑人邑人孫氏遂出貴購
之竟得數十種上自戰國下訖唐宋文悉古雅惜

哉沈埋摧剝之久其僅存者已無幾也而猶班班
若是昔洪氏釋隸趙氏錄金石竝列漢魏甄非徒
以其物之古抑文字實可愛重也故備摹而說之

以參金石之遺

孫氏古輟研記曰孫君堯民篤志於古爲其鄉邑搜求軼遺已備文

獻抑可謂賢矣夫甄之沉埋抑塞幾何年矣莫之
求則莫之見有求之者而叠出競市若各自騰發
光氣如此嗚呼凡物之出於天下患不知之知之
而不好好之而不力則亦已耳或諗之以好之力
之之道猶求之而不至者蓋未有也余蒞縣六年
矣亦欲振厲文學稽求農桑董勸所及勤勤風導
而習俗未返罕遵斯路誠不足以孚衆亦可知也
已而區區瓦甓之好乃幸有同志余懼味先務而
細娛是玩是滋余疾也堯民募巧工畫製爲碑余
既摹其文入縣志并記此以貽之孫氏其世守焉
無奪於豪無棄於忽承
爲斯邑雅故其亦可矣

唐佛頂尊勝陀羅尼經石幢

幢高四尺五寸六分而廣五寸半每面八行行字多少不齊

文剝蝕過多不錄 按城北門內徼巡卒舍檐下有石柱高五尺許六面其巔市人置燈以照夜行者泥塗沾沒莫知其有文字也余屢過其旁而異之因命工洗而搨之文雖剝蝕已甚尙約畧可識蓋唐時經幢也佛頂尊勝陀羅尼經八字字稍大了然可辨又垂拱三年四字亦未甚損壞筆意飛動極似薛少保惜書人名姓已泐盡不可識矣幢在市集間旣無以蔽風雨而擊撞磨觸時時不免

幸而尙在斯爲幸矣安惟其漫滅如此耶余以闕
闕穢汚頗褻佛典擬移報恩寺建亭以護之而其
居民不可曰是古人以鎮厭北門者余遂笑而置
之唐時建經幢多於戰爭處如憫忠昭仁諸寺皆
以聚暴骨爲之求佛力超拔者壽春亦古戰爭地
安知非舊時戰場建幢立寺後來寺毀地遷築城
者包其地入郭內耶此時文字存者不及十一長
此暴露更數百年恐并此不復可得矣深憾昔時
金石諸家搜訪旣未之及此時僅而見知而仍不
能保其流傳也亦此幢之命也夫

唐河東薛公墓銘

石高一尺三寸潤一尺四寸廿二行行廿四廿五字

文曰唐故絳州翼城縣令河東薛公墓銘從弟居
昫撰唐開成五年拾壹月貳拾肆日絳州翼城縣
令薛公寢疾歿於壽州子陽里之私第享年七十
九公諱贊字佐堯其先河東人也爰自夏殷周三
代錫珪分茅公侯相承凡六十一世後之秀傑間
出輝煌邦國時稱汾陰之上族譜牒詳焉曾祖諱
德敏京兆府富平縣丞王父諱據餘姚郡太守皇
考諱洽滑州酸棗縣令公生知之性聰聞元悟早

年嘗謂同輩曰古之子弟之禮孝愛端凝而何必
讀書乃爲口人然則士資祿養務速就業於是倍
功懇懇專經登第其後自下蔡崑山翼城三領大
邑僉謂清儉變俗奸濫屏跡臨財無私於已異政
著信於人噫趨競絕心退讓俟時位不至高名不
求顯親知共爲歎憤夫人隴西李氏皇室系胄柔
懿增輝河中少尹諱最之女也不幸早歲凋落春
秋四十九有子一人前魏州元城尉曰元慶李夫
人之出也動修禮義恭守素業全其生而大事克
備苦其身而諸孤獲安亦孝慈之本歟女五人二

女早亡一女適扶風馬宥宥良士也一女未及笄
禮一女誓依釋氏公以開成庚申歲十一月二十
四日時叶著龜妥耐葬於下蔡縣淮陽鄉戊家里
大安原蓋舊里綿遠未遂歸葬從遺命也銘曰條
山際海洪河湯湯靈粹氣氤英髦騰芳翼城秉心
守道自強修辭通經恥露鋒鉞賢哉夫人行滿六
姻柔謙永保錦綺非珍上善芬馥促齡酸辛淑德
如何姬姜比隣 下蔡鎮文殊寺僧廣實于

近寺溝中掘得此碑嵌置寺門外右垣上按史載
唐文宗開成五年庚申此銘前稱開成五年十一

月二十四日歿後載開成庚申十一月二十四日
附葬歿葬同日何促耶抑勒銘者失檢耶蕭景雲
記

唐千佛寺殘碑

石已破碎可辨者上半截十八行下半截
八行上下分六列其第四第六列不可辨

僧□□□□ 僧元少一尊

僧節訓□□ 僧元亮一尊

僧智□□尊 僧智新一尊

僧令□七尊 僧直璿一尊 堵德

僧□□五尊 僧敬招一尊

僧□□三尊

□慧深一尊

仇彥

□□□□錢

□元□一尊

張十三

□□□□尊

□□智一尊

右第三列

□□褒□□

僧師岸一尊

止存此數

□□□□□

僧□智一尊

字

□□巖三尊

僧□超□□

□□□□□

□□□□□

僧□□□□

□惠豐□□□

□□□□三尊

□從憲□□□

□□真二尊

□□定□□□

□□益□□

右第二列

□□□二尊

右第一列

□□□□□

第四列止存尊三二字

□□一娘一尊

第六列止存一尊暉三字

□□一娘一尊

周十四娘一尊

□女□一尊

□□□□尊

□□□□尊

右第五列

蕭景雲曰嘉慶三年下蔡古城西門外百餘步繆氏村有人掘地得殘碑高四尺餘濶二尺餘有大唐國千佛寺數字字大寸餘多剝蝕末百餘字字大如錢皆僧名繼爲人擊碎僅存斷石一片高濶尺許字十餘行可識者七十三字筆力遒整似徐季海卧置繆氏村前小橋上往來蹂踐日就毀滅古物久晦靈光乍顯而復遭侮何不幸之甚耶又地中掘得數大柱礎彫盤龍形一存村中餘爲里人取去殆亦千佛寺礎也 蕭生爲余言此碑因

使縣胥繆林取之林又於民舍得斷碑一片合其裂文相符又此碑下半節之半也因購問大唐千佛寺數大字所在云數年前居民毀其字以石售於富民斃諸垣中矣合兩石滌而墨之計可辨識者百二十有三字所刻字畫頗淺故漫漶如此碑之第一行尙存縣字書字并字蓋署書碑并書額人姓氏惜殘缺矣碑陰無字所謂大唐國千佛寺數大字當是此碑之額非一石也

宋證悟禪師碑

石高二尺三寸濶一尺三寸五分九行

文曰資壽寺禪院第二代證悟政危禪師於此大
宋元年庚申十月望日小師法敏法行法智法永
法悅法聰法通法純法定法善法寶法珣法臺法
口法明法文法祥法善法口法真法堅法圓法慧
法澄法登法宗法壽法雲法中法謹法尊法才法
海法深法遠法江法寬等在淮河東涯黑石潭蓮
城此處

此碑在資壽寺門外東壁所謂大宋元年庚申蓋
太祖建隆元年也據此則寺當建于唐而明湯胤
所書資壽寺重修碑記乃云古資壽寺建于大宋

寶祐間悞矣

天聖院佛會人名碑

石凡八枚皆高一尺五寸闊二尺四寸行字每石不等嵌塔中壁上

壽春縣仙嶺鄉沍澗村疏首陳思政施錢二貫文

省 崇義鄉張宗施錢一貫文省 仙嶺鄉北趙

村傅元施錢

缺

貫文省

仙嶺鄉北趙村

缺

施錢

一貫文省

仙嶺鄉北趙村傅文景施錢一貫文

省 仙嶺鄉魯陵林一貫文省 仙嶺鄉沍澗村

蔡翌施錢一貫文省 仙嶺鄉沍澗村

缺

施錢一

貫文省

仙嶺鄉沍澗村夏謙施錢一貫文

缺

仙嶺鄉澗澗村 缺 一貫文省 二闕鄉子陽坊高

澹施錢一貫文省 仙嶺鄉澗澗村王 缺 當縣

永慶寺 缺 院執疏比邱德成施 缺 賢施錢一

貫文省 仙嶺鄉倉陵村劉迪施錢 缺 貫文 缺

缺 村孫用施錢一貫文省 仙嶺鄉秦墅村孟榮

追薦考妣生界施錢 缺 貫 缺 省 缺 秦墅村戴成

施錢一貫文省 五明坊袁子鑿術士馬士長施

缺 缺 唐規五百文 左史坊丁秀施錢五百文

省 八仙坊胡銓與母親孫氏十三娘錢五百 缺

第造鄉廉公坊疏首任文褚施錢一貫文省

缺

長河船戶李知進施錢一貫文省

缺

安

豐縣望仙鄉王

缺

來遠鎮寄住劉守忠錢一貫文

爲父母并亡過

缺

缺

錢五百文

缺

安豐縣來

遠鎮疏首張再旺施錢一貫文省

缺

一僧

缺

僧重江郭美趙成劉守忠

缺

董

缺

石守忠張信

缺

典

缺

施錢五百文

缺

已上各五百文

仙犢鄉井

湖村疏首陳新

缺

政

缺

五百文

壽春縣疏首楊

進爲母親鄭氏十一娘施錢

缺

文

缺

已上各

一貫文

張榮張政魏肇

缺

上各

缺

錢五百

文

壽春縣雋造鄉疏首謝展

缺

同鄉任能

缺

同

鄉孫成同鄉胡守元同鄉曹進缺各缺百文第

一會時天聖五載仲缺有五日顯缺功德主僧

缺副會首楊進 都會首皇甫淮

此石二十七行最剝蝕

疏首楚熒 李顯 疏首石俊 張缺 疏首胡

詮缺 疏首任文緒 船戶劉氏四娘李臻

疏首許真 馬缺許缺張 母親許氏四娘缺

疏首高濬楊昂陳氏二娘孫氏六娘周 王美薛

顯朱政曹進軒缺南氏二娘斑旺孫政繆榮缺張

氏大娘王仁美 疏首徐仙錢三貫文省 黃旺

錢五百 疏首八仙坊胡用并妻周氏十三娘

缺

見黑女共錢 貫文省 并 內 雋造鄉繆政

缺

缺

缺

錢一貫五百文金明鄉陳仁 捌百文胡顯錢

缺

缺

百文崇義鄉王懷義 錢一貫文李辛錢五百文

缺

八仙坊 錢五貫文秦 疏首 范貴錢

缺

缺

缺

缺

張檢 佐史李 佐史袁用 佐史

缺

缺

缺

缺

李質錢 佐史夏 錢 佐史壹 佐史

缺

缺

缺

缺

商 姜忠錢一貫 姜智錢五百文 湯興

缺

缺

已上錢各五百文雋造鄉許元錢五百文

缺

李緒 朱 楊興 朱福已上錢各五

缺

缺

百文 疏首張用之 缺 長壽鄉邵文 缺 石

缺

壽春縣吳真錢一貫文省妻 缺 氏十三娘 缺

缺

錢伍伯文 疏首江真 陳遂 缺 講經座

主可徽錢 缺 陳氏五娘錢五百文 缺 伯文

疏首安豐縣王村姜饒錢一貫爲薦父母 疏首

缺

女弟子趙氏二娘與孫 缺 懷信施錢 缺 都

會首皇甫淮弟 缺 捨捨五百五十貫文 缺 蔡明

錢一伯貫省張學演錢五十貫文夏福錢五十貫

缺

錢 缺 錢五十貫 缺 嗣 缺 李文展錢三十

貫 缺 恭錢五十貫張信錢五十貫蔡賓 缺 貫 缺 錢

缺貫 缺三十貫 李義三十貫 缺政二十貫 王璘

錢二十貫 黃 缺錢二十貫 缺氏二娘 缺周 缺

女捨二 缺寺藥師院僧文宗錢二十貫 缺錢 缺貫

張知進錢二十貫 文陳琛錢二十貫 文程顯錢

一十五貫 何志錢一十五貫 陳思政錢一十五貫

高濬錢一十五貫 黃曉 缺錢一十五貫 張知進錢

一十五貫 缺一十五貫 船戶改成一十五貫 女弟

子胡氏五娘并男 缺明錢一十五貫 張美錢一十

五貫 缺真一十五貫 楊旺李 缺旺一十貫 缺欽十

一貫 郭美一十貫 崔 缺一十貫 侯 缺陳 缺十貫 蔡

文翌一十貫缺一十貫趙文缺一缺黃守忠一十

貫缺一十貫缺安一十貫趙政一十貫王銓一十

貫馬釗錢一十貫趙吉一十貫馬榮一十貫缺一

十貫崔旺一十貫韓旺缺貫劉迪一十貫知南岳

李缺捨木三十條船戶袁缺五貫缺徐習錢五貫

缺捨米五石缺食缺徐美徐亨捨手作齋食缺寶

塔了缺

此石三十一行

缺疏首郭美 胡信 丁謙 船戶改成 馬興

崔旺 張忠 吳遇 王義 蔡欽 缺錄事

楊從政 押司錄事范貴 佐史何文 佐史李

祐 佐史夏規 商禮 知倉理 缺 知官王貴

謝隱 陳信 缺 馬光應 永壽館王懷政

已上錢各一貫文省 佐史彭遂 佐史袁用

佐史胡慶 吉氏二娘 王氏七娘 王氏二娘

已上錢各五百文省 當縣永慶寺藥師院主

疏首僧德成錢一貫文省 同院僧德賢 張再

旺 并妻 缺 氏十三娘已上各二貫 王重遇

戴成 朱珍 王璘 趙誠 胡氏五娘 王氏

八娘 張進 缺 孟榮已上各五百文 缺

孫用一貫文省 南氏二娘 斑旺張政 缺 榮

張氏大娘 王仁美已上各五百 禾慶寺 缺

院主疏首僧文淑 徐令仙 卜守貞 開肇

字昌已上各五百文省 缺 巖 缺 張式 缺

陳興 成萬 劉氏四娘 李展 韓志 夏謙

已上錢各五百文省 仙犢鄉疏首張詮錢一貫

文省 馮氏二娘錢一貫文省 南贊 缺 缺

昇各五百文省 疏首八仙坊胡詮 八仙坊唐

旺 楚榮 李顯 劉氏五娘 市內坊陳遵

屈熙 徐興 船戶劉氏十四娘 佐史坊李臻

胥政

劉進

安豐縣懷思用朱懷德

缺 歿

故弟

缺 身世吉

缺

楊昇

陳氏一娘

孫氏大

娘

周謹蔣顯

朱政

王美

曹進

軒讓已

上錢各五百文

二閩鄉子陽坊疏首高誠

王

仁美

仙嶺鄉北趙村吳守忠朱氏七娘

崔氏

一娘

曹氏一娘

瞿德誠

丁旺已上各五百

文省

疏首石俊

丁秀

張守忠

許真

許

世良

許氏四娘

朱緒已上各五百文

永慶

寺藥師院疏首比邱德成

德賢

缺 興

缺 真

缺

唐旺已上各五百文省

雋造鄉東臺坊

疏首謝辰 同鄉慕舜 同鄉謝孚 同鄉崔克

明 同鄉謝戩 缺 壽州城南廂王誠 安豐縣

王懷英已上各錢一貫 安豐羅漢院僧文晏錢

五百文 仙犢鄉池澗村疏首陳思政 張美

陳忠 崔懷政高濬已上各錢五百文省 缺 竹

真 蔡氏七娘 蔡進 張氏七娘 朱氏三娘

劉氏七娘 許氏五娘 王再榮吳志 賀旺

高志 王氏十六娘 任緒 許真 高志崔

氏大娘 朱遇 王 缺 賀旺 左懷 朱氏十

娘 蔡氏七娘 蔡氏十八娘 屈氏十九娘

劉緒 楚榮已上錢各五百文省 仙嶺鄉秦墅

村疏首張用芝 陳遂 馮美已上各五百文省

缺 王敏錢五百 缺 李仁矩 胡興 唐旺

胡詮 張氏二娘 彭彬 樂維辛 南辛 張

氏十四娘已上錢各五百文省 楊進 高元濬

孫用朱氏十二娘 魏紫 胡成 胡詮 屈

煦 馬士長已上錢各一貫文省 仙嶺鄉 缺 村

王璘 韓守忠 張文素 馬釗已上各一貫文

省 侯政 劉旺各錢五百文省 缺 節級范榮

張煦 張忠 王真 常忠 陳 缺 黃儲

張遇 周恕 李缺寧 孫旺 楊興 八仙坊

胡用 夏邁 葉貞 儲清 缺政 李 義

缺氏一娘 張宗 張真已上錢各五百文省

霍邱縣孝義坊疏首許缺文誠 賀信 李德

均母親謝氏十四娘已上各五百文省 胡可能

并許氏錢五百文 壽州永安門外朱方并妻虞

氏十二娘施錢一貫文省 王昱追薦亡妻衛氏

十二娘一貫文

此石三十行

春申坊密懷遠 缺 缺五娘捨錢一貫五百文省

爲缺天界缺

疏首王敏爲母親缺

乞早生天界

施錢一貫文并妻馬缺

鄭氏八娘共施錢一貫

爲追薦婆黃公鄉馬懷義陳秀金明鄉劉氏一娘

子陽坊丁氏二娘已上錢缺

亳州定遠縣千秋

鄉盧塘鎮陳缺

福錢一貫省淝泉鄉缺

氏十二娘

五百文雋造鄉秦缺

八仙坊唐贊并妻楊氏十

九娘五百文八仙坊胡浩并妻王氏五娘缺金缺

捨缺貫缺

疏首李質爲父母捨錢一貫文李欽錢一貫缺選

錢一貫缺李缺一貫文爲父母李缺錢一貫爲父

母李表錢一貫爲父母李全錢缺貫爲父母李缺

一貫爲父母二關鄉陳承矩并妻周氏十二娘各

捨錢一貫缺黯爲父母錢一貫文金明鄉缺寧錢

一貫爲父母 東臺坊李成與母親謝氏十四娘

并妻阮氏十二娘共捨錢一貫文省 雋造鄉缺

坊疏首謝展錢一貫文省爲父母 春申坊謝缺

隱并妻缺氏十二娘共錢一貫五百文省 胡陂

村謝缺錢一貫省 謝黯錢一貫文省 謝從錢

一貫文省 慕喆錢一貫文省 北蔡村缺銓錢

缺 李文秀錢一貫省 東臺坊李守志并妻朱

氏缺捨錢一貫文省 壽州城南女弟子缺氏缺

公 廬州合肥縣神龍村輔文顯并輔辰共錢一

貫文足 禮泉鄉郭家庄陳求錢一貫文 缺惟

清錢一貫省 李惟成并妻項氏錢一貫文 萬

載鄉同柱村張缺一貫省 王潛錢一貫省 王

再成缺 戴氏二娘謝氏一娘一貫省 石元并

弟石重吉共錢一貫省 樊元并妻劉氏共錢一

貫文省 李缺錢缺 李氏三娘缺 王承矩

李氏一娘 李超 李氏一娘 黃公鄉西艾村

夏真戴成 胡陂村謝海 謝缺 謝侃 張缺

張洪吉 崔元吉 李文通 謝坦 呂表

北蔡村胡表 陳進 南蔡村 缺 元吉 缺 黃

旺 馬矩李氏六娘 東 缺 村陳守詮 房迪

文 缺 楊俊 謝洪謙 五明坊李委 張氏 缺

禮泉鄉郭家庄陳 缺 仁矩 樞澗鎮韋謙

劉氏一娘 缺 河塘村韋方施錢五百文省

韋重旺施錢五百文 王釗施錢五百文省

安豐縣來遠鎮女弟子 缺 錢五百文省 朱氏 缺

娘錢五百文省 缺 氏四娘五百文省 馬 缺

馬氏十一娘錢五百文省 屈氏四娘錢五百文

省 曹氏

缺

娘錢五百文

缺

安豐縣金城鄉弟

子胡

缺

遷施錢一貫文省

陳氏二娘施錢五百

文

望仙鄉王村趙懷智施錢一貫文省

連理

鄉程文際

缺

貫文省

高豐鄉胡元施錢五百文

省

永寧鄉篤信錢五百文

長壽鄉三溝村高

懷新施錢一貫文

甯展緒施錢五百文

缺環

施錢五百文

長壽鄉三溝村甯文貞施錢五百

文省

甯興施錢一貫文省

缺

疏首前押司

錄事楊從政施錢一貫文奉爲造薦

缺

生天界李

缺

南廬鎮酒稅

缺

鎮

缺

止錢一貫文省

南廬

鎮朱尅明施錢二貫省

南廬鎮酒

缺李

施錢

缺

貫文省

南廬鎮李重旺施錢一貫文省

南

廬鎮施德施錢

缺

貫文省

南廬鎮

劉仁密施錢

一貫文省

南廬鎮劉典

缺

貫文

史源鎮王誠

施錢三貫千省

史源鎮賈懷

缺

施錢三貫文省

檉澗鎮女弟子朱氏錢

缺

貫文省

缺

史源

鎮張文景施錢

缺

貫文省

此石三十三行

壽州安豐縣棲畝鄉竹子村疏首朱福并妻陳氏

一娘同施錢二貫文省

缺

棲畝鄉竹子村張

美施錢一貫文省 棲畝鄉竹子村朱饒施錢一

貫文省 棲畝鄉竹子村彭貞施錢一貫文省

棲畝鄉竹子村王饒施錢一貫文省 棲畝鄉竹

子村彭榮施錢一貫文省 棲畝鄉竹子村李懷

真施錢一貫文 棲畝鄉秦墅村缺 遇施錢一貫

省 壽州壽春縣長壽鄉圍城村疏首缺 長壽

鄉圍城村張仲萬施錢一貫文省 并男姪張貴

施錢二貫文省 長壽鄉缺 一貫文省 長壽鄉

三溝村陳遠施錢一貫文省 長壽鄉三溝村缺

真施錢一貫文省 長壽鄉三溝村李海施錢一

賀文省 長壽鄉三溝村李真施錢一貫文省

長壽鄉圍城村 缺 政施錢一貫文省 長壽鄉 缺

夏真施錢一貫文省 長壽鄉圍城村劉 缺 施錢

一貫文省 壽州伍明坊萬欽施錢一貫文省

缺 施錢一貫文省 長壽鄉圍城寺劉 缺 施錢一

貫文省 壽州下蔡縣永安門外草市內疏首丁

旺爲追薦父母早生天界施錢一貫文省 仙犢

鄉井湖村張旺施錢一貫文省 仙犢鄉井湖村

程 缺 施錢一貫文 仙犢鄉井湖村蔡澤施錢一

貫文省 仙犢鄉井湖村馬美施錢一貫文省

仙嶺鄉井湖村朱榮施錢一貫文省 仙嶺鄉井

湖村夏真施錢一貫文省 仙嶺鄉井湖村趙贊

施錢一貫文省 仙嶺鄉井湖村陳珍施錢一貫

文省 仙嶺鄉井湖村張恭施錢一貫文省 仙

嶺鄉井湖村傅淮施錢一貫文省 左史坊丁秀

施錢一貫文省 仙嶺鄉井湖村朱旺施錢一貫

文省 仙嶺鄉井湖村程顯施錢一貫文 長壽

鄉張萬施錢三貫文追薦先祖 壽春縣崇義鄉

金明坊疏首郝成施錢一貫文省 崇義鄉金明

坊缺施錢一貫文省 崇義鄉金明坊女弟子祖

氏六娘施錢一貫文省 雋造鄉左史坊呂謙施

錢一貫文省 疏首馬義錢一貫 喬忠 崔明

胡 缺

永慶寺消災院比邱清素施錢一

貫文省 張萬施錢一貫文省 缺 寧院行者白

超施錢一貫文省乞過去先生天界 馬義妻 缺

氏大娘施錢五百文省 壽春縣仙嶺鄉張直村

疏首狄政施錢一貫省 仙嶺鄉張直村朱遇一

貫省 仙嶺鄉張直村馮用一貫省 仙嶺鄉張

直村盧政施錢一貫文省侯勅馮隆各一貫文省

仙嶺鄉石墅村馬 缺 施錢一貫文省 長壽鄉

圍城村劉

缺

施錢一貫文省

仙嶺鄉石聖村董

瓊施錢一貫文省

董顯施錢一貫文省

安豐

縣禮教鄉東趙村疏首常濬施錢一貫文省

禮

教鄉東趙村劉祚施錢一貫文省

此石三十一行

壽州壽春縣春申坊疏首王敏爲父母施錢一貫

文省小

缺

一石

春申坊

缺

疏首密超施錢一貫

文省小麥一石爲追薦父母

缺

黃萬鄉西艾村

趙用施錢一貫文

春申坊

缺

文

缺

省 金明鄉

東問陂村賈忠爲父施錢一貫文省

春申坊劉

缺錢一貫文省 雋造鄉北蔡村張明爲父施錢

一貫文省 黃萬鄉馬懷義施錢一貫文省小麥

一石 黃萬鄉高方村彭進施錢一貫文省 黃

萬鄉高方村缺守貞爲父母施錢一貫文省 東

臺坊高進施錢一貫文省 左史坊缺貫文省

左史坊耿美施錢一貫文省 子陽坊張欽施錢

一貫文省 金明坊蔡守信施錢一貫文省 子

陽坊趙罕施錢一貫文省爲缺金明鄉戚用施

錢一貫文省 缺坊陳邁施錢一貫文省東臺村

缺坊秀施錢一貫文省 伍明坊馮政施錢一貫

文省 車公坊趙昇施錢一貫文省左史坊 缺

崇義鄉丁緒施錢一貫文省 缺 崇義鄉楊興

施錢一貫文省 缺 東臺坊田俊爲父母施錢

一貫文省 缺 淝泉鄉李福施錢一貫文省

缺 八仙坊胡用妻周氏十三娘施錢一貫文省

缺 八仙坊樊真一貫文省 缺 父母施錢一

貫文省 淝泉鄉泉水庄李用爲亡過父母施錢

一貫文省 東臺坊 缺 追薦父母施錢一貫文省

壽州開元寺石經院比丘 缺 施錢一貫文省報荅

生身父母車公坊孫岳所爲自身施錢一貫文省

八仙坊樊貞施錢一貫文省 第二會黃萬鄉

春申坊疏首母親母氏十娘施錢一貫文省 黃

萬鄉東臺坊陳問爲父母施錢一貫文省 五明

坊缺鐵人陳遇錢一貫文省 雋造鄉陳安追薦

父母施錢一貫文省 春申坊謝文俊妻胡氏十

二娘施錢五百文省 崇義鄉管謙施錢五百文

省 崇義鄉楊興施錢五百文省 八仙坊樊貞

施錢五百文省 謝文俊錢一貫文省 胡氏十

二娘 李遂真王再興 已上各錢五百文省

春申坊疏首密超爲追薦父母早生天界錢五百

文西城坊張守忠爲父母施錢五百文省 西城坊女弟子杜氏十一娘爲自身施錢五百文 密超 密氏十三娘 張守忠 石俊李氏 西城坊女弟子劉氏十三娘爲自身錢五百文 十一娘 張氏十二娘 王氏十一娘 已上各錢五百文 車公坊孫岳爲自身施錢五百文省 車公坊曹遇施錢五百文爲父母 雋造鄉女弟子田氏六娘施錢五百文省 車公坊女弟子密氏十三娘爲父母施錢五百文省

此石三十二行

壽州壽春縣崇義鄉金明坊疏首楊進施錢一貫

文省 崇義鄉金明坊楊欽施錢一貫文省 子

陽坊高志施錢一貫文省 子陽坊張拯施錢一

貫文省 子陽坊萬缺施錢一貫文省 八仙坊

左遵施錢一貫文省 八仙坊馬規施錢一貫文

省 八仙坊胡詮施錢一貫文省 伍明坊張政

施錢一貫文 八仙坊唐旺施錢一貫文省 市

內坊楚成施錢一貫文省 伍明坊魏肇施錢一

貫文省 長壽鄉陳信施錢一貫文省 金明坊

張榮施錢一貫文省 子陽坊張缺并母親缺氏

十二娘

缺

壽州縣東臺坊疏首胡詮施錢一貫

文省小麥一石

萬顯妻魏氏十三娘

缺

仙犢

鄉張直村南辛施錢一貫文省小麥一石

仙犢

鄉北趙村樂

缺

施錢一貫文省小麥一石

仙犢

鄉北趙村樂維元施錢一貫省 伍明坊袁秀施

錢一貫省 東臺坊女弟子霍氏十二娘施錢一

貫文省 東臺坊彭彬施錢一貫文省 東臺坊

劉缺施錢一貫文省 東臺坊女弟子王氏六娘

錢一貫省 金明鄉劉卿施缺貫省 李在錢一

貫文 壽州壽春縣仙犢鄉秦墅村疏首蔡德明

施錢一貫文省

缺

妻楊氏三娘施錢一貫文省

仙犢鄉秦墅村蔡賓嶼施錢

缺

省 仙犢鄉秦

墅村

缺

施錢一貫文省

仙犢鄉秦墅村張文演

施錢

缺

貫文省

仙犢鄉

缺

氏二娘施錢一貫文

省

長壽鄉三溝村范政施錢一貫文省

同鄉

缺

楚環杜均已上錢各一千文省

淝泉鄉廉公

坊

缺

施錢

缺

文省

范祚錢三貫文追薦先祖

壽春縣仙犢鄉北趙村疏首陳新錢一貫文省

仙犢鄉北趙村陳萬周政房美夏懷

缺

傅斌韓吉

侯義彭福傅元卜真已上各施錢一貫文

壽春

縣仙嶺鄉秦墅村疏首張忠施錢一貫文省 仙

嶺鄉秦墅村女弟子胡氏十五娘錢一貫文省

仙嶺鄉秦墅村韓旺施錢一貫文省 同鄉霍榮

宋重旺楊旺霍信各錢一貫文省 仙嶺鄉北趙

村張守謙仇進卞斌王缺黃元德缺母親王氏十

一娘各施錢一貫文省

此石三十三行

壽州壽春縣仙嶺鄉石墅村疏首張缺錢一貫文

省缺錢一貫文省缺錢一貫文省 仙嶺鄉

石墅村黃恭施錢一貫文省缺錢一貫文省

仙嶺鄉石墅村宋福施錢一貫文省

缺施錢一

貫文省

仙嶺鄉倉陵村女弟子卞氏

缺施錢一

貫文省

來遠鎮草菴院主僧

缺錢一貫文

省 壽州壽春縣仙嶺鄉石墅村疏首李

缺文省

仙嶺鄉石墅村左旺施錢一貫文省

缺石墅

村李

缺

施錢一貫文省

仙嶺鄉石墅村李守明

施錢一貫文省

長壽鄉三溝村馬贊施錢一貫

文省

三溝村江真施錢一貫文省

長壽鄉三

溝村張政邵賁文

缺

寧遇已上各一貫省

仙嶺

鄉李

缺

施錢二貫文省

壽州壽春縣仙嶺鄉秦

墅村疏首張用施錢一貫文省 仙犢鄉秦墅村

張缺萬缺各施錢一貫文省 沱澗村夏榮錢一

貫省 三溝村缺錢一貫文省 長壽鄉三溝村

缺錢一貫文省 長壽鄉三溝村邵濬施錢一貫

文省 邵德言 陳岫各施錢一貫文省 壽州

壽春縣仙犢鄉秦墅村彭缺過父母乞早生天界

施錢一貫文省 仙犢鄉秦墅村趙政施錢一貫

文省 仙犢鄉秦墅村黃廷嗣施錢一貫文省

沱澗村王缺王旺各施錢一貫文省 仙犢鄉秦

墅村王重遇施錢一貫文省 北趙村缺彥朱珍

焦懷政各施錢一貫文省

秦墅

缺

彭進

缺

進侯

俊李義已上各錢一貫省

井湖村王欽錢一貫

文 施澗村蔣罕施錢一貫文省

秦墅村張贊

一貫文省

曹用施錢一貫文爲父母

夏文德

一貫文省

劉文吉一貫文省

安豐縣錦城村

朱緒錢一貫文省

徐興錢

缺

壽春縣淝泉鄉

廉公坊周惠錢一貫文省

二關鄉子陽坊胡守

忠施錢一貫文省

仙嶺鄉西城坊孟守

缺

施錢

一貫文省

此石三十一行

報恩寺塔明黃普綱碑以爲建於唐時亦無他書
可証得此碑始知此塔修於宋天聖時則其爲唐
時所建可無疑也後又得古甌其旁有文曰天聖
院修塔甌則此寺因天聖時重修遂名曰天聖院
余故遂題此記曰天聖院佛會人名碑碑所載有
可資攷証者曰壽州壽春縣曰壽州安豐縣曰壽
州下蔡縣霍邱縣當時皆屬壽州也曰廬州定遠
縣廬或廬之訛曰亳州定遠縣亳字當亦訛宋初
定遠屬濠州也其鄉則壽春有仙犢鄉二關鄉雋
造鄉金明鄉崇義鄉長壽鄉禮泉鄉禮教鄉黃萬

鄉淝泉鄉萬載鄉安豐縣有望仙鄉金城鄉棲畝
鄉高豐鄉永寧鄉定遠有千秋鄉其村坊則仙犢
鄉有沱澗村北趙村倉陵村秦墅村井湖村張直
村石墅村八仙坊西城坊市內坊二關鄉則有子
陽坊雋造鄉則有北蔡村胡陂村廉公坊東臺坊
春申坊金明鄉則有東閭陂村崇義鄉則有金明
坊長壽鄉則有圍城村三溝村禮泉鄉則有郭家
庄禮教鄉則有東趙村黃萬鄉則有西艾村高方
村淝泉鄉則有泉水庄廉公坊萬載鄉則有同柱
村棲畝鄉則有竹子村秦墅村安豐則有錦城村

霍邱則有孝義坊合肥則有神龍村不知所屬者
則有南蔡村北蔡村河塘村王村五明坊車公坊
城西坊城南廂其鎮則有樞澗鎮史源鎮南廬鎮
廬塘鎮其門則有永安門市則有草市寺院則有
永慶寺開元寺藥師院消災院石經院羅漢院草
庵院永壽館其人則有押司錄事知倉佐史醫術
士講經座主院主都首比邱行者女弟子疏首其
所捨則有捨木捨米捨手作齋食鄉坊之名與今
時相合者惟春申坊其仙嶺鄉或卽留嶺坊以時
苗留嶺而名也金城鄉或卽紫金坊以舊時子城

名也廉公坊或卽指今之廉將軍墓近時州縣所治別無廉姓也其餘地名詢之士人尙可十得三五大約多在壽州境余以是刻報恩寺施錢人姓名亦俱載其鄉里冀亦爲後來考地志者之証焉

宋景祐藏經石匣記

匣高一尺廣一尺長二尺文在其蓋

文曰合具打碑施主每日出錢一十文是用刊於石

鎮將王從謹邵貫盧臨盧嵩盧用芝地主劉氏二娘劉德言高契陰闕史懷徐平李寧曹戩唐志朱

榮朱濟川史堅田俊陳義李興張關典關用劉振

張新王幸安甯詮胡方關佳榮關美解興孫進陳

遠陳進王關韓德言史義方聶詮李誠程從智王

堅陳最匠人蔡講景祐關年十二月日記

縣之西北鄉闕疇集淨梵寺藏一古石匣僧云昔

人於乾隆初在寺西白羊溝中掘得中藏經卷剝

爛不可檢視匣高一尺廣一尺二寸長二尺蓋高

三寸旁刻十四佛像縱刻記文按景祐是宋仁宗

改元年號也記載鎮將某某則闕疇在景祐間固

設將守禦以扼要害之地與近時土人往往於集

之四界掘得古城磚當日蓋建城堡於此矣

宋府判廳石刻

石高一尺八寸廣一尺
三行行字大小不等

文曰帳前撥發官

闕字甚漫漶辨似
康字或曰盧字

文貴提振官

戴文祖

闕

興謝本濠寨孫林

孫府僉康津

闕

梁

汝明

寶祐三年九月日

分認四丈

寶祐宋理宗年也宋自端平後蒙古構禦河淮無
寧日寶祐二年冬蒙古張柔以連歲勤兵兩淮艱
於糧運奏城亳州據之下蔡去亳近當戍兵防禦
此碑勒於次年九月其防禦官吏與末署分認四

丈殆募充者而勒石於碑示不詭避猶見中原人之抒忠於宋也

蕭景雲記

此碑石質粗劣字漫漶不

工以其足資考證存之

宋夏松築硤石城摩崖碑記

縱六尺二寸廣四尺四寸
八行行十二二十三字不等

文曰築城記硤石兩岸對峙舊立二城以爲長淮
津要去鵬已城築東岸西岸猶榛蕪荆棘今歲松
馳檄總統舟師攻勦正陽虜巢給假秋奉闕命創
築同都統孫位都統彭宗立都統孫應武率步將
士協力用工不一月城成以復版圖之舊咸淳甲

戊仲秋朔日壽陽夏松題石

甲戌宋度宗咸淳十年元世祖至元十一年也元
史世祖本紀至元十年四月塔出董文炳行淮西
等路樞密院事守正陽十一月甲寅宋夏貴攻正
陽淮西行院擊走之塔出傳十一年以塔出爲鎮
國上將軍淮西行省叅知政事宋夏貴帥舟師十
萬圍正陽決淮水灌城幾陷帝遣塔出往救之道
出潁州遇宋兵攻潁戍卒僅數百人盛暑塔出卽
發公庫弓矢驅市人出戰預度潁之北關攻易破
乃悉徙民入城伏兵以待是夜宋人果焚北關火

光屬天塔出率衆從暗中射之矢下如雨宋軍退
走至沙河大破之溺死者不可勝計明日長驅直
走正陽時方霖雨突圍入城遂堅壁不出俄復開
霽與右丞阿塔海分帥銳師以出渡淮至中流皆
殊死戰宋軍大潰追數十里斬首數千級奪戰艦
五百餘艘遂解正陽之圍董文炳傳九年遷樞密
院判官行院事於淮西築正陽兩城夾淮相望以
綴襄陽及壽朱腹心十年拜叅知政事夏霖雨水
漲宋淮西制置使夏貴率舟師十萬來攻矢石雨
下文炳登城禦之一夕貴去復來飛矢貫文炳左

臂著脇文炳拔矢授左右發四十餘矢箛中矢盡
顧左右索矢又十餘發矢不繼力亦困不能張滿
遂悶絕幾殆明日水入外郭文炳磨士卒却避貴
乘之歷軍而陣文炳病創甚子士選請代戰文炳
壯而遣之復自起束劍手劍督戰士選以戈擊貴
將僕不死獲之以獻貴遂去不敢復來是歲大舉
伐宋丞相伯顏自襄陽東下與宋人戰陽羅堡文
炳以九月發正陽十一年正月會伯顏於安慶宋
史度宗本紀咸淳九年十一月以夏貴爲淮西安
撫制置使賜錢百萬激犒備禦十年六月以銀二

萬兩命壽春府措置邊防六月賜銀措置故於八月築城度宗以七月癸未崩此時尙未改元也夏貴以十一月爲淮西制置使與世祖本紀十一月夏貴攻正陽之文合與碑去鵬城築西岸之文亦合而塔出董文炳傳俱以爲夏間事頗牴牾又文炳傳云十年九月發正陽十一年正月會伯顏於安慶亦與十一月淮西行院擊走之之文不相應夏松史無其人所謂閩帥當卽指夏貴宋之季年壽春下蔡濠泗皆爲宋守與元人以蒙城對境張柔城亳州其勢已亟至建行省于正陽而硤石尤

爲必爭之地矣宋史無夏貴傳於攻正陽事無一字及之者是時賈似道當國一切軍書不復措意又當襄陽喪敗之後國是棼棼無復記注也碑在硤石壁間下臨淮河磨厓刻之大字八寸許雖稍剝蝕尙一二可辨

元慧光淨照大師之塔

文曰至元□□□□其道德□□□□三年□□□□二十四年春□□□以師行績達於陛□□師□□道以彰上善□□□伽藍□藏灌頂國師重加旌賞號慧光淨照大師又二十年

師年六十九而順寂□寶後至大庚戌八月庚寅
也葬於下蔡西三里慧師性勤儉□其師師永逝
于□元□善智善慧焚誦之隙孳孳作□復化緣
於善信於是建寶殿僧堂重塑佛像夫以師秉心
之貞終始惟一□其功□□□後 之耳目□□
□□□後之來者□□證諸心乃無疆之□云至
正三年□□□□代□□□□□

下蔡古城外西北一里餘平岡上有舊石塔高數
尺刻元慧光淨照大師之塔十字大二寸真書頗
古逸側刻石匠金文貴造兩旁刻記字大三分剝

落微茫兼漬沙泥滌而視之得字數十按元世祖
順帝俱有至元之號此塔前載至元後載至大至
正至大武宗年至正順帝年則此至元世祖年也
里人不知塔葬元僧稱爲黃姑塔又言曾有鄉婦
夢入塔底見黃姑欸語鄙俚可笑也

元順濟龍王碑

石高七尺廣二尺四寸十七行行三十九字碑陰
行字不可許額小篆兩行行四字字徑四寸許

文曰順濟龍王靈感之記安豐路下蔡縣儒學教
諭闕篆額嘗聞山川出雲致雨澤以滋榮萬彙易

曰雲從龍是知雨非雲闕不從故神龍闕名山大

川以成其變化之功茲壽春黑石潭實惟淮水之

闕壁闕宿具曰闕府神龍之宅也若歲大旱四方

祈禱者輻輳於是相厥崖闕順濟龍王之殿靈應

盼響有年矣至正三年歲在癸未自闕雨至於闕

大中大夫安豐路總管兼管內勸農事張謙齊闕

銘心帥闕徧走闕望闕廟下焚香致敬以祈陰闕

既訖祀事是夜雲霧晦冥闕電震闕於潭之上下

須臾闕沍皆溢闕然闕霑洽蓋闕日方息於是闕

者闕者實枯闕稿禾皆闕里士民闕家相慶咸闕

之樂此皆闕而神應之速闕而然者矣總管闕之

靈呪克孚

闕

報効可無念哉爰

闕

漁人之

闕

者以

戒其褻香火祀事

闕

恭必

闕

功用能禦大災能捍

大患

闕

下

闕

淫

闕

至誠可

闕

貫金石蹈水火以

闕

誠念念不忘於撫字

闕

國

闕

一本於誠將見雨

闕

効豈止於是乎

闕

於見

闕

之美嘉神靈感之

闕

誦

闕

勒蒼珉以垂

闕

安

闕

下

闕

勸

闕

其實

闕

七月日匠張彬李德刊

闕

碑陰文曰

闕

黑石山龍

王廟

闕

而香火堙沒

闕

老來前曰

闕

省

闕

且許

闕

夫

闕

田率

闕

疵

闕

廡粉繪

闕

秘辛丑

闕

歲月用示

闕

闕

闕

闕足民

闕

直書大德

闕

年七月五日

闕

事

闕

壽春

闕

闕

縣尹兼勸農事高闕至正癸未七月闕郡尹張闕

雨有應黎庶刻氓闕德因覩闕文載之勒額茲慮

歲久闕神烈闕

碑露立黑石潭龍王廟前石理斷泐已甚欲斜榛
莽間土人謂之交龍碑碑字端雅極似趙承旨余
爲正其傾側築亭覆之

右金石刻

附詩賦

梁吳均八公山賦 峻極之山蓄聖表仙南參差而
望越北邇迤而懷燕爾其盤桓基固含陽藏霧絕壁

嶮巖層巖廻互桂皎月而常圓雲望空而自布袖以
華閭帶以潛淮文星亂石蒸日流堦若夫神基巨鎮
而卓犖荆河箕風畢雨育嶺生峩高岑直兮蔽景修
坂出兮架天以迎風而就日若從漢而廻山露泣葉
而原淨花照磯而岫鮮促嶂萬尋平崖億絕上披紫
而生烟傍帶花而來雪維英王兮好僊會八公兮小
山駕飛龍兮翩翩高馳翔兮翀天

見賦苑

宋朱祁詆仙賦 予旣守壽春覽郡圖得八公山故
老爭言山上有車轍馬跡是淮南王上賓之遺耕者
往往得金云丹砂所化可以療病因取班固書葛洪

神仙二傳合而質之嗟乎人之好奇而不責是也尙
矣而洪又非愚無知者猶憑浮證僞况鄙人委巷語
耶作詆仙賦憫茲俗之鮮知兮徇悠悠之妄陳常牽
奇以合怪兮欲矜已以自神搯百世之寔亡兮唱千
齡之僞存彼淮南之有將兮固殊刺而殞身緣內篇
之不誕兮眩南宮之多聞謂八人者語王兮歷倒景
而上賓餌玉七之神葯兮託此謳乎霄宸王負驕以
弗虔兮又見譎于列真雖長年之彌億兮屏帑偃而
念愆念斯世之吾欺兮聊反覆乎遺言號聖仙之靈
稟兮宜常監德而輔仁不是察王倨貴兮遽引內于

天門已乃悟其非是兮胡爲賞罰之紛紜寧仙者之
回惑兮無以異乎常人國爲墟而嗣絕兮載遺惡而
不泯故盛傳其遺金兮證蹄石之餘痕武安陰語而
前死兮更生僞鑄以贖論彼逞詐以罔時兮宜自警
於斯文

古詞淮南王篇 淮南王自言尊百尺高樓與天連

後園鑿井銀作床金瓶素綆汲寒漿汲寒漿飲少年
少年窈窕何能賢揚聲悲歌音絕天我欲渡河河無
梁願化黃鶴還故鄉還故鄉入故里徘徊故鄉身苦
不已繁舞寄聲無不泰徘徊桑梓遊天外

古今注曰
淮南王淮

南小山之所作也淮南服食求仙偏禮方士遂與八
公相攜俱去莫知所在小山之徒思戀不已乃作淮
南王之
曲焉

齊謝朓和王著作八公山詩 二別阻漢坻雙嶠望

河漢茲嶺復嶢峴分區奠淮服東限琅邪臺西距孟
諸陸阡眠起雜樹檀欒蔭修竹日隱澗凝空雲聚嶺
如複出入眺樓雉遠近送春目戎州昔亂華素景淪
伊穀陸危賴宗袞微管寄明牧長蛇固能剪奔鯨自
此曝道峻芳塵流業遙年運儻平生仰令圖吁嗟命
不淑浩蕩別親知連翩戒征軸再遠館娃宮兩去河
陽谷風煙四時犯霜雨朝夜沐春秀良已凋秋場庶

能築

見文選

梁吳均登壽陽八公山 遠澗自傾曲石激復茈茈

含珠岸恒翠懷玉浪多圓疎峯時吐月密樹不開天

瑤 盡元秘金檢上奇篇是有琴高者陵波去水仙

唐李白送張遙之壽陽幕府 壽陽泛天險天險橫

荆關符堅百萬衆遙阻八公山不假築長城大賢在

其間戰夫若熊羆破敵有餘閒張子勇且英少輕衛

霍孱投軀紫髯將千里望風顏勛爾効才畧功成衣

錦還

唐萬楚小山歌 人說淮南有小山淮王昔日此登

仙城中雞犬皆飛去山上壇場今宛然世人貴身不
貴壽共笑華陽洞天口不知金石變長年謾在人間
戀携手君能舉帆至淮南家住盱眙余先諳桐栢亂
流平入海茱萸一曲沸成潭憶記來時魂悄悄想見
仙山衆峯小今日長歌思不堪君行爲報三青鳥

李紳淝河雜舟阻凍待勅命

太和七年十二月

罷分符竹

作間官舟凍淝河擬棹難食藜苦心甘處困飲冰持
搯敢辭寒夜燈空應漁家火朝食還依雁宿灘西奏
血誠遙稽首乞容歸病老江干

淮陽效理空多病疎受辭榮豈戀班陳力不任趨北

關有家無處寄東山疲驂豈念前程稅倦鳥安能待
暮還珍重八公山下叟不勞重淚更追攀

又初出淝口入淮

東風百里

一作五日

雪初晴淝口水

開好濯纓野老擁途知意重病夫拋郡喜身輕人心
莫厭如弦直淮水長憐似鏡清回首夕嵐山翠遠楚

郊烟樹隱襄

一作憶層城

胡曾八公山 符堅舉國出西秦東晉危如累卵晨
誰料此山諸草木盡能排難化爲人

李中登下蔡縣樓

長淮烟水又含秋吏散時時獨

上樓信斷蘭臺鄉國遠依稀王粲在荊州

又下蔡春偶作 旅館飄飄類斷蓬悠悠心緒有誰
同一宵風雨花飛後萬里鄉關夢自通多難不堪容
鬢改沃愁惟怕酒杯空採蘭扇枕何時遂洗慮焚香
叩上穹

又巳未歲冬捧宣頭離下蔡 詔下如春煦巢南志
不違空將感恩淚滴向一作盡滴 冒寒衣覆載元容善形
骸果得歸無心慚李路負米覲親闈

又下蔡春暮旅懷 柳過春霖絮亂飛旅中懷抱獨
棲棲月生淮上雲初散家在江南夢去迷髮白每慙
清鑑啟心孤長怯子規啼拜恩一作章 爲養慈親急願

向明朝捧紫泥

見全唐詩

唐吳資八公山詩

幼度提晉師胡卒驚鶴唳城外

軍屯壘可數不可計至今風雨夜鬼哭雜異類

此詩全唐

詩所無從廬州府志錄入

宋林逋遊峽石寺

長淮如練楚山青禹鑿招提甲

畫屏數崦林蘿攢野色千崖樓閣貯天形燈驚獨鳥

迴晴鳩風送遙帆落晚汗不會科頭無事者幾人能

老此禪局

胡宿淮南王

貪鑄金錢盜寫符何曾七國戒前車

長生不待爐中藥鴻寶誰收篋裏書碧井床空天影

在小山人夫桂叢疎雲中雞犬無消息麥秀漸漸徧
故墟

歐陽修行次壽春下蔡寄內 紫金山下水長流嘗
記當年此共遊今夜東風吹客夢清淮明月照孤舟
蘇軾出潁口初見淮山是日至壽春 我行日夜向
江海楓葉廬花秋興長平淮忽迷天遠近青山久與
船低昂壽州已見白石塔短棹未轉黃茅岡波平風
軟望不到故人久立烟蒼茫

又和趙德麟送陳傳道作 二陳旣妙士兩歐惟德
人王孫乃龍種世有蘅雲麟五君從我遊傾瀉出怪

珍俗物敗人意茲得實清醇那知有聚散佳夢失欠
伸我舟下清淮沙水吹玉塵君行踏曉月疎木挂寸

銀尙寄別後詩剪刻淮南春

原注云時東坡離
禎赴揚過州來

又新渡寺送任仲微 春陰欲落雪野氣方升雲我

遊清潁尾想見翠被君古來聚散地與子復言分倦

遊安稅駕瘦田失歸耘獨宿古寺中荒雞亂鳴羣送

子以曉角幽幽醒時聞

按詩稱潁尾則寺當在縣
與潁上接壤處今無考

又壽春李定少卿出餞城東龍潭上 山鴉噪處古

靈湫亂沫浮涎遠客舟未暇然岸照奇鬼欲將燒燕

出潛蚪使君惜別催歌管村巷驚呼聚獍猴此地他

年頌遺愛觀魚並記老莊周

王安石壽陽城晚眺 楚山重疊盪淮濱堪與王維

立畫勛白鳥一行天在水綠蕪千陣野平雲孤崖佛

國晴先見極浦漁舟晚未分吟罷騷然峇回首櫟陽

詩社久離羣

此詩見舊志
集中無之

又八公山詩 淮山但有八公名鴻寶燒金竟不成

身與仙人守都厠可能雞犬得長生

韓口口思壽州寓居高氏園亭 嘗借芳園石友家

幽棲無復羨紛華敞扉氣爽雲生壁卷箔香微露泣

花桂向淮山分月魄桃從秦洞得仙葩別來追想清

境悔褫方袍走棧車

詩見宋金元三朝詩滙高氏園亭今亦不能知其處而宋壽州

治下蔡故錄人焉

顏太許希詩 并序

鍼工許希下蔡人住梁門西市

三十年及天聖中皇躬違豫有內戚達其姓名上召見三進鍼而疾平面授尙藥奉御其賜予不可勝紀謝恩畢西向而拜上詢其故奏曰臣拜本師扁鵲也上惜其用心不忘本給錢五十萬爲立祠封曰靈應侯或曰人生乎世慎乎習希失其習者也使希不習醫而習儒其遇主之日不忘先師明矣若然則讀書爲僞乘時取富貴高冠長劍昂昂廟堂之上自負自

得不知素王之力者許希之罪人也因爲詩云 京
城名利塗車馬相奔馳其間取富貴徃徃輸巫醫前
後十數輩身沒名已隳獨有許希者蘊蓄何瑰奇始
自下蔡來所處尤喧卑西市三十年汨汨無人知一
朝仗至藝驟登文石墀三鍼愈上疾神速不移時酬
以六尚官著籍通端閣旌以三品服佩紫垂金龜于
時稱謝畢西向復陳儀當廳驚且問歷歷宣其時臣
傳扁鵲術遇主今得施特此一展謝臣心不自私主
上惜其意擊賞爲噓唏仍給水衡錢國西命立祠復
加靈應號金額照華棧自此輦轂下求禱何祁祁我

過慶成坊見之心且悲秦醫術雖妙五藏及四肢所
習得其人千齡祀不虧魯聖術至大帝道與民變所
習非其人一朝反相持小吏師荀况竊爲辯說資作
相勸焚書詐云愚嗤嗤後之爲儒者其心皆李斯昔
在布衣日動守先王規朝談十二經夕誦三百詩依
憑稽古力榮進無他歧及居廟堂上長劍冠峩巍自
謂天所賦焉知有宣尼宣尼斷襲封十經寒暑移他
姓爲邑官鄉老皆驚疑上章寢不報九重遭而欺諫
官不舉失御史不言非盡爲許希笑得路忘先師

蘇子美壽陽間望有感 維舟亭下偶登臨下蔡風

流古至今遠嶺抱淮隨曲折亂雲行野乍晴陰幽人
憔悴搔白首啼鳥哀鳴思故林觸處窮途何足慟直
回天地入悲吟

又淮亭小飲 山氣復清淮亭臨亂石開旅愁無處

避春色爲誰來酒顛啼鶯送歌隨去雁哀相携聊一

醉休使壯心摧淮亭當卽前詩所謂維舟
亭下者今不能指其處矣

張文潛將至壽州初見淮山二首 浩蕩平波欲接

天天光波色遠相連風鳴兩漿初離浦岸轉青山忽

對船澤國秋高添氣象人家南去好風烟步兵何必

江東走自有鱸魚不值錢

晚繫孤舟古岸隈
蒹葭風定渚鷗回
山間野色蒼茫
去月向淮心晁盪
來秋色解將愁並
至年華偏與客
相催青衫手板徒勞爾
富貴功名安在哉

題壽陽樓二絕
渺渺長淮去不休
行人獨上壽陽樓
一闕長歌不須唱
山川都是舊時愁

長淮不斷水悠悠
樓下行人淮上樓
誰謂滿前風景好
古今供作別離愁

壽陽樓亦當在下蔡北宋壽州治下蔡也今亦不能指其處

金玉寂初到下蔡已有春意
向辭北闕猶飛雪及
到南州便得春
知有勝游供勝具
况宜閒處著閒身
江湖且作龜魚主
天地能容蟻虱臣
兀坐靜思心語

口此來無愧汝陽人

見金淵集

明汪廣洋過壽春望八公山有感

八公草木晚離

離遙見林巒隔水滄老氣逼雲含霧雨空青拔地鎮

淮夷謝元歸奏平戎日王猛徒勞料敵時淝水不關

興廢事夕陽西下浪聲遲

見舊志

徐幼文晉冀紀行

徐賁北郭集

舟行夜達曙路入硤石

口平山帶孤城一塔起高阜問知古壽春地經百戰
後羣孽當倡亂受禍此爲首彼時土產民十無一二
有田野滿蒿萊無復識畎去程不敢稽欲望敢遲

久右壽州

秋日何婁其嚴風變陽卉嘉節叶重乾時菊芬且靡
臨高一眺望俯見城郭裏三關爲襟帶雙溪流瀾瀾
浮雲起天末鳴鴻在中止雖非吾故土但悅山川美
獨遊意向適况茲值多士珍肴出豐厨吳黃泛芳醴
人生雖長壽良時能有幾對此不爲欽憂思何由彌
鑒此登山悲飄飄然已矣右河口山登高按紀行詩凡十四首以荆山壽州河口山登陽臺潁川爲次過壽州至潁川中間無山可登陽臺今在潁上則所謂河口山當卽硤石三關雙溪未審所指或卽指壽唐關及兩淝也

鄭源彩八公山禪林遺典 層巒列障隱仙家金殿

平臨玉徑斜勒石年來多古蹟舊題壁上半籠紗烟

浮雙樹禪初定詩入重林鳥共譁日暮歸驂携鶴去
萬山風雨落天花

李藻題報恩寺塔 秋滿南樓海氣臨霜凋踈樹雁

留陰逢人指點曾遊處把酒踟躕現在心月送塔來
猶似昨風隨葉落已成今黃花冷夢間相憶無數

下缺

州志 見舊

張曉同友至珍珠泉 山草蔓春綠芳樹明朝曦驅
車遵遠道飛蓋臨清池新服展白紵委佩綴丹莢逆
旅感過序合歡良及時招呼侶童冠歌謔忻相隨川
陸奏靈異列壑遙爭奇石泉瀉雲竇珠沫浮紋滋境

鳳臺縣志

卷七

藝文

七

好意與會情歡神自怡靜涵春有象遐盼人無涯曠
懷遺幻累藻繪紆元思任真愜心賞息偃逃喧啞孤
踪入林壑去住成棲遲同人狗野癖契悟流泉詩

趙炯然中秋夜叢桂山對月用八庚韻 叢桂山巔

錦作棚百尊拱待結璘傾依稀海嶼霜毫動擬會天
衢寶相成雪嶺峩峩先破暝翠輶軋軋不聞聲冰心
遠托懷翻熱玉魄辭塵浴更清樽幹排陰過萬里栢
梁倍影計千莖暮烟淨盡駕鸞到秋露零侵蟋蟀鳴
拾取蚌胎聯瑋瑁尋看魚腦擲鯢鯨屏掩禁宇希雲
母鉢守空門幻水晶醒酒石分圓消性洗頭盆貯碧

寒泓龍睛煜煜開脂壁鶴卵纍纍晃綺蕤縹緲泊虛
秦弄玉慇懃同夢許飛瓊牙籌籍地初申約畫角傳
俾漸起更壁沼凭欄全鑑合金鋪捲幙半綃橫亂啤
蜀狹如非主頻喘吳犇若罷耕香稻陸傍多兔吻老
楓林下屈狐徑此時搢練荒邨急何處敲鐘虛谷鈞
蘚徑丹螿餘點點莎墀白鳥自薨薨誤將紈扇懸霄
漢痴却霓裳付女伶炤世神杯渾在座通宵聖燭莫
須繁瑤華暗浸方諸潤粉暈環依脉望瑩懸圃定搖
輸桂筭島夷冷暝寄楸枰河梁徑渡黃姑挽羽蓋遙
臨白帝迎珠樹穩棲輝鳳翼劔花團聚閃猿精人仙

面面阿房殿今古拳拳不夜城
葉尹播奇雙鳥術鴟夷珍重五湖盟
漢陵異遇曠牛孺蜀館私期薄馬卿
無限冶容青瑣押幾家纖趾赤絲綳
崑崙技絕超層棘柞曰功完擁阿英
炤悉璿璣愁字字潛窺琬琰皓盈盈
絡珠廣褻時迴綵嵌蕊新釵競撥箏
遮映酖顏敷竹葉沈吟別緒展桃笙
最憐繡閣殷歡賞誰問膏原警戰征
燦眼傲書孤旅震連空烽火萬夫瞠
止應朗徹鉛蟲署底事娟妍鐵騎營
咽漏鷄肪翠淬刃悲笳塵尾對談兵
朦朧睢上旗章竄躑躅昆陽訛滌撐
燎發庭階焦聖主芒寒崖石紀勲名
嘈嘈國腹騰哀

尋處處鄉心共別情馬首忙隨三不入蝸居靜閱兩
哉生岨巽典逼元規淺慷慨詩同謝眺驚軌革圖分
探兌窟周憚算足遶乾衡滄江化粉蛟唇籛緱嶺穿
霄鶴背笙追藥恨彌弦上下攀髯泪叠鏡昏明卯金
小閣藏藜焰杜老相思滿屋桁細繭唔呶孫子院銀
螽跳躍陸家鎬燕香願得長亭午廢寢初非學守庚
綠簡餘光流素篆斑斕交錯呷京瑛好音誰寄西方
美誓借商颺盪轉程

又咄泉 綺檻綢繆俯碧清苔鍼無數貫珠纓石家
十斛樓前撒鮫客盈盤雨樣傾露滴菱荷爭落索月

明瑤草對晶瑩還疑鴻寶丹房裏雲子離離今尙生

樓一作風

謝開寵謝公祠 頻年擁褐過淮陽崇祀忻瞻舊享

堂江左名賢多雅量淮南俎豆有馨香人依兩晉衣
冠後山借八公草木光慚愧烏衣問子弟飛來燕羽
只尋常

又遊茅仙洞 塵緣無路訪丹邱仙去空餘洞壑幽
松牖雲封懸薜影石門春漲擁淮流望巖乍覩千尋
壁避暑常耽五月秋屐齒徒存頭漸白何時重繼謝
公遊

國朝田耜同友登峽石山 與客登硤石呼風梳亂
雲蒼苔留禹跡紫氣變龍紋冷當風急鐘清隔隴
聞江村酒雖薄多飲亦成醺

傳以叙紫金疊翠 層巒繞屋列雲屏幾曲參差對
晚汀晴有雨痕留石色日隨嵐氣變山形一條微界
飛泉白萬木都歸積靄青延矚待尊軒豁處蘭皋重
葺畫涼亭

亢慄鳳臺雜咏 由來江北少蠶桑隙地多排菜甲
黃婦女也知勤力作携鋤辛苦勝提筐 睚眦不報
亦何妨難化愚頑盡善良豈是長官慈太甚北方風

氣本來剛 片語何由折衆詞紛紛雀鼠到階墀訟
庭花落簾垂地羨殺山陰顧愷之 孝廉船載一人
行誰與同探杏蕊馨至竟青雲宜努力莫言人傑地
無靈 處處歡聞鼓腹歌民無天札是天和笑他九
月鄉風盛簫管聲中祀華陀 憑弔州來蹟渺茫當
年冠佩此翱翔風流萬古吳公子不見庭堦但夕陽
一篙春水雨如烟破石河邊柳色妍簑笠過橋沽
酒去野鴉飛上釣漁船 苔封秀石樹槎枒澗水環
村號翟家不是勞農逢父老何由得見古梨花 風
塵車馬返城隈簿領紛紛手自裁片刻消閒聊獨坐

八公山色入窻來

方汝梅往魯村路過石門潭 自愧探奇遜柳州名
山強半委荒陬 挿天峭壁雙扉迴 瀉地飛泉一線流
芳沼雲封捫石過 崖花日暝破烟搜 桃源咫尺何須
渡蠟屐從今得勝遊

方詔石門潭 砉然中斷仰神工 便與巴江巫峽同
蒼蘚溜分千尺雪 白蘋波合一溪風 飛行偶度遊仙
屐 剝蝕猶留戲海鴻

石壁鏤字猶存

那得倪黃圖 小幅添將

丹竈列西東

李沐茅仙洞 爲訪茅仙蹟 梯雲入翠微 洞深石乳

澗壁峭野苔肥濕布飛晴雪烟光帶夕暉歸來山鳥
亂暝色欲侵衣

李伯梅花苑城 四面溪山在千年殿閣空人家流
水外樵客白雲中嶺秀烟光翠花明澗影紅惟餘春
谷鳥猶自度香風

劉恬畫涼亭 呂公不可作遺址感蒼茫列嶂誰重
畫西風自送涼勳名隨逝水臺榭剩斜陽寂寞荒亭
外無人草木香

方承永紫金山 賓客淮王會登山憶舊踪殘霞留
古磴新雨洗孤峯車馬仙緣杳林巒野色重探奇情

不盡明日更支節

洪亮吉渡淮 長淮千里何溯洄遠自桐栢之山來
洪纖巨細絡諸水彙此四瀆通八埭東南巨浸古所
說原野氣盡巖巒回傍淮田下賦亦下生計恃水無
餘財長年挈舟送行客楚女擊楫中流哀雲浮三時
蚌開合水結五色龍胚胎陽嗑陰吸有至理水上白
晝層宮閼要令幽險各有所造物大矣何容猜全淮
得失繫吳楚宵濟萬馬曾銜枚王公設險古不廢破
石置守高崔嵬牛羊在野牧馬散淮水蕭瑟山童咳
下流河勢苦相奪二水若合坤輿頽支祈力屈匪至

此河伯好事同臺駘至人視世本一轍險絕不異坳
堂杯朝帆開寒雨迷浦莫雁憂水陰成堆 風明日
送舟疾可至禹廟傾尊壘

周光鄰出城口占 壽春城外郭茲日又馳驅去鳥
影疑落到山青欲無身緣行路暇詩爲宦情枯烟水
一鞭森夕陽紅半湖

又晚抵下蔡宿孫氏別業 策馬平岡突石門八公
山外野烟昏春帆雲泊長淮水夜火星明下蔡村幾
爲民情傷雀鼠從知農事重雞豚主人愛客先留榻
久語深宵月滿軒

又顧家橋道中 風清柳路馬蹄慵景物郊原處處
逢桑眼麥鬚晨氣潤鳩呼鷓鴣午陰暝乍晴山試新
皴法不雨雲披淡墨容此味年來誰領畧卻嫌蹤跡
溷吾農

鄭基南郭公旋聞東澗梨花甚盛往探 塵踪纔了
公家事歸騎青山日已斜却怪耽遊情未改還教紆
道看梨花 欲賦瓊瑤未易裁春光恰稱好懷開誰
云郭外無多路三度花開始得來

黃景仁峽石 東南險首江長淮限如闕淮流苦浩
漫拒呂山突兀禹跡埋峯腰丁斧碎山骨水底含翠

舖雲中峙金闕倒激萬丈潭蒼兕下據窟有險人乃
爭鬪觸鬥出沒一從孫曹來屢作揚塵掘壽陽南北
衝失此城勢抗神恠紛推挈英靈動震咄當其作勢
時淮流欲掀揭承平既有年空此鎮美吼詞客欣弄
潮布帆快飛越山腴發嬋娟水媚蕩泐滑雙城落天
半倒影辨窟凸人言劉安昇於此去飄忽秘跡一以
傳流羨渺難歇風利欠幽尋神遊付茫惚

又壽陽懷古 鐘鳴鼎食是何年玉几金牀未肯眠
輕薄江淮多子弟有無雞犬亦神仙秘函已驗更生
獄叢桂空攀正則菡終古八公雲外立曾將何術鑄

桑田 華門俠氣有聲稱竄竊俄誇土運乘厠上蛾
眉餘涕淚帳前獅子早飛騰眼看河北同灰滅手裂
淮南作社憑詎料當塗是真敵榻牀悲叱竟何能

紫穀香囊白練裙翩翩儒將埽邊氛重名不惜燒舩
火奇陣何如背水軍亾國魚羊應共喜戰場風鶴尚
難聞穩教了得東山局可仗兒曹破敵勛 懸瓠重
鎮嘯鶴鷗棄甲宵奔此渡頭羯豎竟教登玉座儂家
從此缺金甌北山南岸嗟何及白馬青絲唱亦愁借
問當時誰搢盜悔令韋黯作監州

又壽陽一首 花草何須怨楚宮六朝殘劫總成空

地經白馬青絲後山在風聲鶴唳中終古英靈走河
北此間形勢障江東我來只訪劉安宅一片斜陽古
廟紅

又廉頗墓 昔年流淚史遷文坏土今來弔夕曛復
用趙人愁不免一爲楚將竟何助英雄論定三遺矢
市道交成再將軍終古人情只如此試將杯酒與澆
君

李墅秋日訪湧泉山房 指點山房隔碧溪間遊與
客酒同攜葉飄古井西風冷草暗層崖落日低千古
神仙空有傳一時我輩且留題無端吟醉偕歸晚月

照孤城路不迷

鄧宗源歸渡下蔡 不盡高山流水情
棹歌且趁暮潮平
幾多煙樹攢蕭寺
亦有漁簑曬晚晴
硤石一峯迴雁斷
長淮終古送舟行
輕帆小泊寒厓畔
買酒同誰醉月明

鳳臺縣志卷七